





警

快

爽

獨

於

碑

版

文

自

作。

蓋

蘇

家

文

於

史

記

不

近

讚

者

果

能

研

治

其

文。

於

官

文

書

最

爲

動

目。

所

治

太

玄

之

文。

以

過

中。

於

艱

不

便

讀

者

故°

亦

不

錄

壬。

戍

長

至

日

閩

縣

林

紓

識

邃。

世 目 老 泉 以 父子 之文 章 名 天 下 似 爲 福 慧 修 之 人。 不 知

子。於 前 後 十 年 中 喪。 其 骨 肉 之 親。 至 1 者。人 之 也。多。 十 九 時。 喪 其 也。長

雖 東 坡 倘 爲 其 次。 人 之 稱 東 坡 爲 長 公 誤 老 踔。泉 蓋 傷 心

圓 蒙 其 歐 說。 目。 公 其 之 知。 上 皇 官 帝 不 過 A. 簿。 歪 領 所 爲 如 臨 文。 縱 川 横 之][篇 有 紀 律 肆 他。 其 文 辩 則 II. 能

綱

m 闕 老咖里 泉 側 於 東 馳 坡 騁 舍 外 表 亦。 忠 觀 無 端 凝 碑 樸 外。 老 亦 之 寡 觀。 傳

皆

435179

嬴 骷 集 選 序

衡論上 權害下 權書上

衡論下

上韓樞密書

上宮和公書 上文丞相書

上田倡密書

上余治州曹

上歐陽內翰第 書

上歐陽內翰第二書 林氏選評名家文集

> **银盆州畫像記** 與梅聖俞書

上歐陽內翰第五皆

上歐陽內翰第四曹

與歐陽內翰第三普

彭州 圆 费 禪 院 記 極樂院造六菩薩記

吳道子畫五星贊

老翁井銘

木假山記

仲兄字文甫說

名二子說鄉外沒日錄

祭丘氏姊女祭丘茂輔文

祭史親家剛母文

一談修禮告狀

眉

山蘇

狗

椹 曹上

心病

欲爲所以發其心故士常誻其怒懷其欲而不 所頭忌所以養其財豐犒而優游之所以養其力小腹益急小挫益腐所以養其氣用人不靈其所 兵 士欲总智則不可測嚴則不可犯故士皆委己而聽命夫安得不愚夫惟士愚而後可與之皆死凡士欲怠智則不可測嚴則不可犯故士皆委己而聽命夫安得不愚夫惟士愚而後可與之皆死凡 而 可與百戰凡戰之道未戰養其別將戰養其力旣戰養其氣旣勝養其心謹烽燧嚴斥堠。 爲 E 士不厭兵此黃帝之所以七十戰而兵不殆也不養其心一戰而勝不可用矣凡將欲智而 將 義不義雖利勿動。 之道當先治心泰山崩: 非一 於前而 動之為害而他日 色不變躁鹿與於左而 盡怒不 將有所不可 **盏則有餘勇欲不蟲則有餘负故雖幷天下**。 措手足也。 目不瞬然後 夫惟義可以怒士士以義怒。 可以制利 售。 可以待敵凡 使排 嚴。

無

固

有所悔

兵之歐知敵之主知敵之將而後可以動於嶮鄧艾趙兵於穴中非劉禪之盾則百萬之師。

可以

坐

而動也故古之賢將能以兵嘗敵而又以敵自皆故去就可以決凡主將之道知理

之。 illie 無敵於天下故一忍可以支百勇一靜可以制 利 後。 將不與吾校吾之所短吾蔽 不 可以舉兵知勢而後可以加兵知節而後可以用。。。。。。。。。。。。。。 動見 亦 惠 不避。 小利 小思不足以辱吾技也。 丽 置之彼將強與吾角柰何曰 百動兵有長短敵 夫然後可以支大利大息夫惟卷 兵知理則不屈知勢則不沮知節 1吾之所短 我一也敢問吾之所長吾 善抗! 而暴之使· 技。節而以則 之疑 自。 出 愛者。 ini 而 用

放善用兵者以形固夫能以形固則力有餘矣。人之情也知此者可以將矣祖裼而按劍則烏獲不敢邁冠胄衣用,與則知死之不足惜有所恃則知不至於必敗尺鑑當猛虎奮呼一 卻吾之所長吾陰而養之使之狎而; 。。 遊北 种。 此 用長短之術 冠胄衣甲據兵而髮則竟子彎弓殺之矣。 也。 善用兵者使之無所 m 操壓徒手遇蜥蜴。 願。 變色 有所 恃。 而 無 卻

惟 一義可以怒士是鼓衆以勇也養技而自愛是大將養勇之道此二語雖孫吳不 館 過

法制

乘之也古之善軍者以利使人以賞使人以怒使人而其中必有以義附者焉不以戰不以 泉 面 必審 奪 知其 其氣雖然非恩將 將之賢愚與賢將戰則持之與愚將戰則乘之持之則容有所伺。 勿乘乘之不動其祸在我分兵而 迭進所以持之也。 并力 丽 爲之謀乘之則 而 掠。 殿。 所以 而 以

林氏選評名宋文集

戰。 勢然 猬 間 必有 城 共 敵 備急 以察不然則士不任戰 危。 之衡。 故。 **豈異於我天下之人熟不能自觀其一身是以知此理者塗之人皆可以** 欲 而 黎 我 或 殿欲其不 可 稻 有 約。 其致死夫能靜而自觀者可 也。 珠 難。 可走夫何息城 Ē 疑 軍分則 餘矣夫何患兵少偃旗 人 故地有二不 放 丽 於心。 睭 莫不守我以 越有 易 而忌敵以形形我恬 叛莫難於用 礟。 則 衆 君子六千人韓之戰秦之關士倍於晉而 面 不 小背城 mi 可 守。 知 城而戰陣欲直欲銳欲疎欲速失直而銳疎而 矣惟衆 所 疑兵彼愕不 爲之謀心固得其實也。 衆莫危 兵少不 擊。 而戰陣欲古 而其約 仆 而繁雖勞不 鼓寂 而 以用人矣吾何爲則 足以 於用寡治衆者。 不怪亦已固矣是故智者視敵有 描 進。 雖告之日。 實 方欲踞欲密欲緩失方而踞密而緩則士心固。 岩 矣險阻慍蹙疎行以紓 無氣嚴戰兵士放譁者斬。 城。 害為 城 可疑於目。 小 強以飛 此 不 法欲繁繁則 足以容兵。 無人。 |怒吾何爲則喜吾何爲則| 被不 出穆 勿疑彼敵疑 入 險 信 夫惟 士難以動 阻。 士氣兵莫危 公於淖者赦食馬者 必分 也。 時令老 資將能 速則士心危危則致 度彼 我也。 無 軍 故 所 治寡 而 **公將平居與** 弱登坤示 **心於攻莫難** 之形。 襲。潛 是故心疑以謀應 以练 疎 行。 者。 必越 第一 爲衆。 兵以 夫險阻 法 欲 也。 察之勿動 人言。 何為 固 怯。 兵 備。 以 於守。 館。 死。 則丕 乘懈 彼 小 或 筋 必 為大當 有伏伏 则 不 寡 面 客 则 髓。 語不 目 怯。 城 士 丽 m

寫 秙 築 選

以 **一种應彼就** 欲 有所! 爲邪不使吾得之目矣。

此 篇 是 用 兵家常

強

乎。 有言 知有。 皆銳馬之不能皆 丽 足 是兵之有三權 得之多於棄也。 以與其上 攻之天下 占以 名 以 者 所甚愛知有所不足愛可以用兵矣故夫善將者以其所不足愛者養其所甚愛者士之不能 ·皆強 下腳。 心吾 也三權 與彼上腳。 吾斯 敵 既知之矣吾既 良器械之不能皆利。 也。 從之矣彼其上之不得其 漢高帝之憂在項籍耳雖然親以其 也者以一致三者也管仲曰攻堅則 取 君上駟與彼中駟取君中駟與彼下駟。 栗之矣中之不 固也處之而已矣兵之有上中下也是兵之有三 足 **生下之拔也乃能獨完** 以與吾上下之不足以與吾中吾不 (現者堅攻瑕) 兵而與之角者蓋無幾 此 耶故 兵說 則堅 渚瑕。 **首。** 也。 非馬 兵之有 嗚呼。 也。 隨 說也下之不 權 何 不 既再 Ŀ 取 從 也 41 下 洪 勝 九 孫 心。 久 江。 瑕

韓信収魏取代型

取趙収齊然後高帝起

丽

取項籍。

夫不汲汲於其憂之所在而彷徨

学其不

足。

魺o

jijo

所。 以。

孤項氏也秦之憂在六國蜀最僻最。。。。

阴

出

其

兵乃與魏氏角其亡宜也取天下取一國取一陣皆如是也范蠡曰凡陣之道益左以爲。

从小最先取然

楚最強最後取非其愛

在蜀

心諸葛孔

衆乃攜蓋一陣之間必有牝牡左右要當以吾強攻其弱耳唐太宗曰吾自與兵習**觀**行陣形勢每 **牡設右以為牝春秋時楚伐隋季梁曰楚人上左君必左無與王遇且攻其右右無良爲必敗偏** 败

戰 視敵強其左吾亦強吾左弱其右吾亦弱吾右使弱常遇強強常遇弱敵犯吾弱追奔不過數十

百步吾黎敵弱常突出自背反攻之以是必勝後之庸將旣不能處其強弱以敗而又曰吾兵有老

弱雜其問非舉軍精銳以故不能勝不知老弱之兵兵家固亦不可無無之是無以耗敵之強 兵而

全吾之銳鋒敗可俟矣故智者輕棄吾弱。 而使敵輕用其強忘其小喪而志於大得夫固要其終而

巳矣

剪敵之枝葉而使孤其根株論漢高勝項羽處歷歷不爽不是專論兵法令人增長史識

STUDIES C

攻守

守者曰正道大兵攻其南銳兵出其北大兵攻其東銳兵出其西者曰奇道大山峻谷中盤絕徑潛 有三道焉三道一曰正二曰奇三曰伏坦坦之路車觳畯人肩縻出亦此入亦此我所必攻彼所必 古之善攻者不盡兵以攻堅城善守者不益兵以守敵衝夫盍兵以攻堅城則鈍兵費糧而 功靈兵以守敵衡則兵不分而彼間行襲我無備放攻敵所不守守敵所不攻攻者有三道爲守者。 緩於成

林氏選評名家文集

師 共 間。 不鳴金不撾鼓突出乎平川以衝敵人腹心者曰伏道放兵出於正道勝敗未 可知 心。 山於

奇道。 不 必堅也奇道之兵不必精也伏道則 出 m Æ. 勝矣出於伏道。 十出而· 無城 十勝矣何則正道之城堅城也正道之兵精 也無 兵 也。 |攻正道| 而不 知奇道與伏道 為清者其 兵也奇 道之城。 粉木

V 是心。 守正 道 而不 知奇道與伏道焉 者其將亦 木 偶 人是也今夫盗之於人抉門 斬 阴 而 入者

焉。 他戶之不 舄 雞而 入者有焉乘壞垣 **坎脇趾而入者有焉抉門斬關**。 而主人不之察幾希矣他 戶.

之不局 他戶鴉隙之不卹焉夫正道之兵抉門之盜也奇道之兵他戶之盜也。 鍵。 主人不之察太半矣乘壞垣坎牆趾而主人不知察皆是矣。 為主人者宜 無日 門之 间。

m 正道者若秦之函谷吳之長江蜀之劍閣是也昔者六國皆攻函谷矣而秦將敗之曹操皆攻長 伏道之兵乘垣之盗 心。 所

謂 江 矣而 周瑜走之鍾會嘗攻劍閣矣而姜維拒之何則其爲之守備者素也劉濞反攻大梁。 八田祿伯

請以 五萬人別循江 准收淮南長沙以與湧會武關岑彭攻公孫述自江州泝都江破侯丹兵徑 扱

流 陽繞出 延岑軍後疾以精騎赴廣都距成都不數十里李愬攻蔡蔡悉精卒以抗李 光颜。 而 不 備

愬恕自文成破張 般牂牁道番禺城下以出越人不意鄧艾攻蜀自陰平由景谷攀木綠 柴。 疾馳二百里夜半 -到蔡黎明5 擒元濟此 用 奇道 也。 溪武攻南越唐 。確魚貫 m · 蒙睛 進。 至 油 發夜 江 ini US

膀。 交及以關。 馬 一國攻一國而社稷之安危繫焉者其可 而關兵潰。 斬諸葛瞻途降劉禪旧令孜守潼關關之左有谷曰禁而不知之備林言尚讓入 此用 伏道心吾觀古之善用 **汽兵者一陣之間**。 此三道。 佝猾 有 JE. 兵奇兵伏兵三者以取

以不知

而欲

(使之將耶

蘇家議 論 善用 皆又善引故 事讀之爽目

泥守

邪是雖甚 盾。夏在商誠矣如 孫 王 天下共亡之呂牙之在商 必 尹。 111 成 业 则 在商誠矣然以為間何也湯文王固使人間夏商邪伊呂固與人為間邪桀紂 近 呂用 百。紂 民心復安吾何病焉及其歸亳也陽必曰桀得伊尹不能用必亡矣吾不可以安視民病遂 大功此兵之要三軍所恃 既 言 否 Ħ. 用 呂牙不能 間。 間 亦知不然矣然則吾意天下存亡寄於一人伊尹之在夏也湯必曰桀雖暴。 而 決。 则 又有日。 今夫問 用必亡矣吾不可以久遏。 心文王必曰。 商之與也 將之賢者必曰能逆知敵國之勝敗問其 而動也。 伊勢在 紂雖 按書伊尹適夏醜 夏周之與 虐。 旦用呂牙則天祿 天命遂命武王與天下 也呂牙在商。 夏歸亳史太公常事紂。 所 必復吾何憂焉及其歸 放明 以知之之道必曰不愛千金。 共亡之然則夏商 君賢將。 去之歸 固待間而後可。 能 以上 智爲問 周。 之春亡。 旦) 所謂 周 也 用 顶。 伐。 **在**

靐

枚 储 使人爲之出 萬 死。以 III 敞 國或日能因敵國之使。 īfi 樑其陰計嗚呼其亦勞矣仍呂一 髓。 而

商之國爲決亡使湯武無用問之名與用問之勢而得用 本於正者終亦必勝今五間之用。 其歸於詐成則為利敗則為禍且 川之質此非上智其難能之夫兵雖能 與人為於人亦將且 胖 我放

ifii

能 心受吾財子 以間 勝者亦或以間敗吾間不忠反為敵用一敗也不得敵之質而得敵之所偽示者以爲信二 得敵之陰計懼而以僞告我三敗也夫用心於正一振而萃綱舉用心於能百

補而千穴敗智於此不足恃也故五間者非明君賢將之所上明 改也受吾財而不能得敵之陰計懼而以偽告我三敗也夫用心 君賢將之所上者上智之川 也是

以 淮 陰 曲 逆義不事楚而高風擒籍之計定左車周叔不用於趙魏而淮陰進。 兵之謀決嗚呼是亦

粉 HU 字像 得高 始將 **能字跌得碎議論** 雌奇不 · 客 其 正至 論 之流弊则 Ħ 透徹極矣

檵 睿 間

也。

孫 淮

水之而。 不 嗣 矣水之於用而不窮者幾人嗚呼至於用] 不。 窮者。 天下奇才也 天下之士與之言兵而 而不窮者吾未之見也孫武十三篇兵家舉以爲師。 日我不能: 者幾人水之於言而 不夠 者 幾

林氏選許名家文集

吳心勾踐不頹沓塚而吳服田單譎燕捌萬而齊奮知謀與武遠矣武不達此其失三也。 **鄭而起且武以九年冬伐楚至十年秋始遠可謂久暴矣越人能無惡問入國乎其失二也又曰殺 然人必謂有應敵** 然以吾評之其言兵之雄乎今其曹論奇權密機出入神鬼自古以兵著背者罕所及以是而揚其 始 敗北況區區 以入郢乃因胥嚭唐蔡之怒及乘楚瓦之不仁武之功蓋亦鮮耳夫以武自爲曹尚不能 敵者怒也今武縦子胥伯嚭鞭平王屍復一夫之私忿以激怒敵此司馬戌子西子期所以必死鰥 出兵敦楚無忌吳之心斯不威之甚其失一也作戰曰人暴師以鈍兵挫銳屈力殫貨則諸侯。 **阅岩按武之鲁以賨武之失凡有三焉九地曰威加於敵家則交不得合而武使案得聯包胥之言。 軍及秦楚交敗其兵越王入賤其國外禍內息一旦迭發吳王奔走自救不暇武殊無一** 丽 一樣內治一妾是贱丈夫亦能夫豈必有人而數之及夫御三軍之衆圍營而自固或且有飢然 用於魯破齊及入魏又能制秦兵入楚楚復霸而武之所為反如是**皆**之不足信也固矣今夫外 **吳起之貢兵也輕法制草略無所統紀不若武之費詞約而意邀天下之兵說皆** 旭 其故智餘論者而能將乎且吳起與武一體之人也皆著皆言吳世稱之曰 無窮之才不知武用兵乃不能必克與書所言遠甚吳王闔廬之入郢也武爲射 歸 其中然吳起 敗以 然始 自用。 孫 吳然 以取 乘其 训奶

則是三軍之衆惑之也故善將者視三軍之衆與視一樣一姿無加焉故其心常若有餘夫以一人 之心當三軍之衆而其中恢恢然猶有餘地此韓信之所以多多而益辦也故夫用兵豈有異術哉。

能物視其衆而已矣。

古冰用才者未 必絡始皆聽其計德宗能用陸贄李泌終能恢復其後如何吳用孫 武此始克

ini 終敗史不言孫武規諫之事或且如百里奚亦未可定必責吳事之敗由於孫武 過

放君子傾之也世之儒者曰徒智可以成也人見乎徒智之可以成也則舉而棄乎信吾則曰。 可以成也而不可以繼也子貢之以亂齊滅吳存魯也吾悲之彼子貢者遊說之士苟以邀一時之。。。。 王者之兵計萬世而動霸者之兵計子孫而舉強國之兵計終身而發求可繼也子貢之兵是叨 君子之道智信難信者所以正其智也而智常至於不正智者所以通其信也而信常至於不通是 不以可機爲事故不見其禍使夫王公大人而計出於此則吾未見其不旋踵而敗也吾聞之。 徒智。 H

例故使移兵伐魯為賜計者莫若抵高國鲍晏弔之彼必愕而問焉則對曰田常遺子之兵伐魯吾。

也而齊可無亂吳可無滅何也田常之將篡也憚高

國

不可用也故子貢之出也吾以爲魯可存

竊哀子之將亡也彼必詰其故則對日齊之有田氏猶人之養虎也子之於齊猶肘股之於身也田

裂而肘股隨之所以弔也彼必懼而咨計於我因教之曰子悉甲趨鲁壓境而止吾諸爲子濟約役 氏之欲肉齊久矣然未敢逞志者懼肘股之捍也今子出伐魯肘股去矣田氏孰懼哉吾見身將磔

侯以待田氏之變帥其兵從子入討之彼懼田氏之禍其勢不得不聽歸以約魯侯魯侯懼齊伐其

勢亦不得不聽因使練兵蒐乘以俟齊發誅亂臣而定新主齊必德魯數世之利也吾觀仲尼以爲勢亦不得不聽因使練兵蒐乘以俟齊發誅亂臣而定新主齊必德魯數世之利也吾觀仲尼以爲

齊人不與田常者半故請哀公討之今誠以魯之衆從高國鮑晏之師加齊之半可以轘田常於都

其勢甚便其成功甚大情乎賜之不出於此也齊哀王舉兵誅呂氏呂氏以滿嬰爲將拒之至榮

陽與使諭齊及諸侯連和以待呂氏變共誅之今田氏之勢何以異此有咎以爲齊有高 國鮑

為滋製惜乎賜之不出於此也。

論用智可以成不可以繼固是名言其下為子貢設謀不惟文近國策其人亦近策士也

大國

路者喪蓋失強援不能獨完故曰弊在路秦也秦以攻取之外小則獲邑大則得城較秦之所 ·破滅非兵不利戰不善弊在路秦路秦而力虧破滅之道也或曰六國互喪率路· 秦耶。 日。 不略

林氏選評名家文集

得與稅勝而得 得者其實百倍諸侯之所亡與戰敗而亡者其實亦百倍則秦之所大欲諸侯之所大

息固不 在戰矣思厥先祖父暴霜露斬荆棘以有尺寸之地子孫親之不甚惜舉以予人如棄草芥

今日 割 五 城。 日割十城然後得一夕安寢起視四境而秦兵又至矣然則諸侯之地有限。 、暴案之

欲 無 脈 。 抱薪舣火薪不盡火不滅此言得之齊人未皆胳案終繼五國遷滅何哉與嬴而 奉之彌繁使之愈急故不戰而強弱勝負巳判矣至於頗覆理固宜然古人云以地事秦猶 不助五 國心。 江國

既喪齊亦不免矣燕趙之君始有遠略能守其土義不胳案是故燕雖小國而後亡斯用兵之效也。

至丹以荆卿爲計始速褟焉趙皆五戰於秦二敗而三勝後秦聚趙者再李牧迎卻之消牧以讒誅。

邯鄲為那惜其用武而不終也且燕趙處秦革滅殆盡之際可謂智力孤危戰敗而亡賊不得已向

使三國各愛其地齊人勿附於秦剌客不行良將猶在則勝負之數存亡之理當與秦相較成未易

下咽心悲夫有如此之勢而為秦人積威之所劫日削月割以趨於亡為國者無使爲積威之所劫 量嗚呼以賂秦之地封天下之謀臣以事秦之心禮天下之奇才幷力西嚮則吾恐秦人食之不得。

與案皆諸侯,其勢弱於秦而猶有可以不賂而勝之之勢。茍以天下之大下而從六國破

亡之故事是又在六國下矣。 。

觀諸侯之割地路秦非謀詘智昏出於不得已也卽不割亦未必不亡老泉持論不爲無見

末數語陰指契丹特借題發揮耳

丹祭

吾帶論項籍有取天下之才而無取天下之處曹操有取天下之戲而無取天下之最劉備有取三

下之最而無取天下之才故三人者終其身無成焉且夫不有所棄不可以得天下之勢不有所忍。

不可以強天下之利是故地有所不取城有所不攻勝有所不就敗有所不避其來不喜其去不怒。。。。。。

於鍾 **肆天下之所爲而徐制其後乃克有濟嗚呼項籍有百戰百勝之才而死於垓下無惑也。** 鹿也見其慮之不長量之不大未皆不怪其死於垓下之晚也方籍之渡河沛公始盤 吾椒其戰 兵棚脚。

籍於此時若急引軍趨秦及其鋒而用之可以據咸陽制天下不知出此而區區與秦將爭一 旦之

命既全组 庭而 河南新安間至函谷則沛公入咸陽數月矣夫秦人旣巳安沛 公加 響新則

其勢不得強而 臣故籍雖逫沛公漢中而卒都彭城使沛公得還定三寨則天下之勢在漢不 在楚。

百 聪 百勝。 尙何益哉故曰兆垓下之死者鉅鹿之戰也或曰雖然籍必能入秦乎曰項梁死章 邯請

楚不足慮故移兵伐趙有輕楚心而良將勁兵蟲於鉅鹿籍賊能以必死之士擊其輕敵寡弱之師。

林氏選評名家文集

虎方捕鹿羆據其穴搏其子虎安得不置鹿而返返則碎於騰明矣軍志所謂攻其必救也使籍入 守而沛公攻入之沛公之守而籍攻入之然則亡秦之守籍不能入哉或曰秦可入矣如舣趙何曰。 入之易耳且亡秦之守關與沛公之守善否可知也沛公之攻關與籍之攻善否又可知也以秦之

開王輔抄間以 殊不達此屯安陽不進而曰待秦敞吾恐秦未敞而沛公先據關矣籍與義俱失焉是故古之取天 趙之圍而收功於秦也戰國時魏伐趙齊敕之田忌引兵疾走大梁因存趙而破魏彼宋義號知兵。 必釋趙自救籍據關逆擊其前趙與諸侯救者十餘壁蹋其後覆之必矣是籍一舉解

下者常先圆甲 者可以不亡 哉岩夫秦谟之故都沃土千里洪河大山與可以控天下又烏事夫不可以措足如劍門者! |也吾嘗觀蜀之險其守不可出其出不可繼兢兢而自完猶且不給而何足以制於所守諸葛孔明棄荆州而就西蜀吾知其無能爲也且彼未皆見大險也彼以爲 而後日 中原 劍門

金樹而濺諸家扭戶而守之嗚呼是求不失也非求富也大盜至劫而収之又焉知其果不 險哉今夫富人必居四通五達之都使其財布出於天下然後可以收天下之利有小丈夫者得一

之後項籍縣軍深入成敗未可知也至論武侯之薬荆州而取蜀言固有理勢則不然荆州 論 項 籍宜舍趙而取關中固是快論然趙亡則秦之士氣益壯諸侯光腑攝萬不能躡章氏

可出出不可機觀為確論

高組

漢高祖挾蚁用術以制一時之利害不如陳平揣摩天下之勢舉指搖目以劫制項羽不如張 此二人則天下不歸漢而高帝乃木強之人而止耳然天下已定後世子孫之計陳平張良智之所

不及則高帝常先爲之規畫處置以中後世之所爲曉然如目見其事而爲之者蓋高帝之智则於不及則高帝常先爲之規畫處置以中後世之所爲曉然如目見其事而爲之者蓋高帝之智則於

火而暗於小至於此而後見也帝常語呂后曰周勃厚重少文然安劉氏必勃也可令爲太尉方是。

時劉氏旣安矣勢又將離安邪故吾之意曰高帝之以太尉屬勃也知有呂氏之禍也雖然其不去

济而無有以制之也獨計以爲家有主母而豪奴悍婢不敢與弱子抗呂后佐帝定天下爲大臣素 呂后何也勢不可也昔考武王沒成王幼而三盛叛帝意百歲後將相大臣及賭侯王有武庚祿父

所段服。 獨此可以鎖壓其邪心以待嗣子之壯放不去呂后者為惠帝計也呂后旣不可去故削其

黨以損其權。 使雖有變而天下不搖是故以樊噲之功一旦遂欲斬之而無疑嗚呼彼豈獨於吟不

Ü. **暗與帝偕起拔城陷陣功不爲少矣方亞夫赎項莊時徵咱謂讓羽則漢之爲漢未可知也。**

林氏選評名歌文集

黨

一旦人有惡喻欲滅戚氏者時噌出伐燕立命平勃即断之夫噲之罪未形也惡之者誠僞未必也。

且高帝之不以一女子斬天下之功臣亦明矣彼其娶於呂氏呂氏之族若產融毀皆庸才不足却。

獨陷豪健諸將所不能制後世之息無大於此矣夫高帝之祝呂后也猶醫者之艰道也使其恭

以治病而無至於殺人而已矣裝噲死則呂氏之毒將不至於殺人高帝以爲是足以死而。。 狐爱矣。

彼平勃者遺其憂者也噲之死於惠之六年也天也使其尚在則呂祿不可給太尉不得入北軍矣。

或謂噲於帝最親使之尙在未必與產祿叛夫韓信黥布盧綰皆南面稱孤而綰又最爲親幸然及

高別之未崩也皆相機以逆誅罷謂百歲之後椎埋屠狗之人見其親成乘勢爲帝王而不欣然從

之邪吾故曰彼平勃者遺其憂者心。

高젪之不去呂后猶霍光之不能發覺程顯也誅滅骨肉此甚難之事亦只有用一可恃之

人冀其成全後嗣未必即知呂氏為禍之巨文從事後推測大似有理

· 領 論 上

遊熄

遐入之道有經有權有機是以有民有禁臣而又有腹心之臣曰經者天下之民舉知之可也曰權

者民不得 而 知矣摹臣知之可也曰機者雖鄰臣亦不得而知矣腹心之臣知之可 也夫 使 禦 人 mi

則 無以成天下之務無機則無以濟萬世之功然皆非天下之民所宜知而機者又摹臣所不

得叫。 華臣不得聞誰與議不議不濟然則所謂腹心之臣者不可一日無也後世見三代取 天下以

仁義而守之以融樂也則曰聖人無機夫取天下與守天下無機不能與三代聖人之機不若後此

之。 放後世不得見耳有機也是以有腹心之臣禹有益湯有伊尹武王有太公望是三臣者開天。。。。。。

下之所不聞知羣臣之所不知禹與湯武倡其機於上而三臣者和之於下以成萬世之功下而 致

於桓文有管仲狐偃爲之謀主閻廬有伍員勾踐有范蠡大夫種高祖之起也大將任韓信黥布。 V.

越得將任曹參樊噲滕公濟嬰遊說諸侯任郿生陸賈樅公至於奇機密謀奪臣所 不 奥 者唯 留

鄭侯二人唐太宗之臣多奇才而委之深任之密者亦不過曰房杜夫君子爲善之心與小人爲惡鄭侯二人唐太宗之臣多奇才而委之深任之密者亦不過曰房杜夫君子爲善之心與小人爲惡

腹心之臣不可以一 之心一也君子有機以成其善小人有機以成其。 日無也司馬氏魏之賊 也有買充之徒爲之腹心之臣以濟。 惡有機也雖惡亦。 成濟無機也 雖善 陳勝 吳廣。 亦。 不。 楽民之 克。 放

過武也無腹心之臣以不克何則。 無腹心之臣者。 無機 也。 有機而泄 也夫無機與有機 而 批 者。 如

虎的食 人而不知骰陷穽骰陷穽而不知以物覆其上者也或曰機者創業之君所假以濟耳守成

可去也且夫天下之變常伏於燕安田文所謂主少國危大臣未附如此等事何世無之當是之時。 之世其奚事機而安用夫腹心之臣嗚呼守成之世能途熙然如太古之世矣乎未也吾未見機之

而無腹心之臣可為寒心哉昔者高祖之未天下旣定矣而又以周勃逍孝惠孝文武帝之末天下而無腹心之臣可為寒心哉昔者高祖之未天下旣定矣而又以周勃逍孝惠孝文武帝之末天下

既治矣而又以霍光遺孝昭孝宣蓋天下雖有泰山之勢而聖人常以累卵爲心故雖守成之世而

腹心之臣不可去也傳曰百官總已以聽於冢宰彼冢宰者非腹心之臣天子安能舉天下之事委 之三年而不置疑於其間邪又曰五載一巡狩彼無腹心之臣五載一出捐千里之稷而誰與守邪。

世之君宴然於上而使宰相眇然於下上下不接而其志不通矣臣視君如天之逡然而不可親。 今夫一家之中必有宗老一介之士必有密友以開心胸以濟緩急柰何天子而無腹心之臣乎近 。。

亦如天之視人泊然無愛之之心也是以肚稷之憂彼不以爲憂肚稷之喜彼不以爲喜君憂不 而

辱君辱不死一人譽之則用之一人毀之則捨之宰相避嫌畏觀且不暇何暇盡心以憂瓧稷數逫。

數易視相府如傳含百官泛泛於下而天子惸惸於上一旦有卒然之憂吾未見其不 顛沛 而 殞越

百人譽之不加密百人毀之不加疎尊其爵厚其祿重其權而後可以議天下之機慮天下之變太 也毀人之任腹心之臣也貸之如父師愛之如兄弟握手入臥內同起居寢食知無不言言無不盡。

川用趙中令也得其道矣近者寇萊公亦誠其人然與之權輕故終以見逐而天下幾有不測之變。

然則其必使之可以生人殺人而後可也。

任腹心之臣終始不疑此千古所難成王尙疑周公川傳宗之於陸贄又何議焉但以文論

痛快極矣其尤奇警者則君子有機以成其善小人有機以成其惡實創論亦實名言王曾

之於丁謂徐階之於嚴嵩皆君子之機也然亦終濟史眼如炬非人所及

御將

御 臣相易而將難將有二有賢將有才將而御才將尤難御相以禮御將以術御賢將之術。 以。

難, 六 信御才將之術以智不以禮不以信是不爲也不以術不以智是不能也故曰御將難而。。。。。。。 畜 初皆獸也彼虎豹能拇能噬而馬亦能 路牛亦能觸先王知能搏能: 噬者。 不可以人 御 才 力制。 將

放殺之殺之不能騙之而後已歸者可馭以羈紲。 觸者可拘以楅衡故先王不忍棄其才而廢天下

之用如曰是能 蹄是能險當與虎豹幷殺而同驅則是天下無騏驥終無以服 乘邪先王之選才也。

自 非 大姦則惡如虎豹之不可以變其搏噬者未有不欲制之以術而全其才以適於用況爲將者。

又不可責以康隅細髓順其才何如耳漢之術猛趙无國唐之李靖李勣資將也漢之韓信黥布彭

林氏選評名宋文集

而後可也結以重恩示以弥心美田宅大飲饌歌童舞女以極其口腹耳目之欲而折之以威此先 越唐之薛萬徹侯君集盛彥師才將也賢將旣不多有得才者而任之荷又曰是難御則是不

王之所以御才將也近之論者或日將之所以墨智竭慮犯霜露蹈白及而不辟者冀冀耳爲國家

才固有小大傑然於庸將之中者才小者也傑然於才將之中者才大者也才小志亦小才大志亦 者不如勿先賞以邀其成功或曰賞所以使人不先賞人不為我用是皆一隅之說非通論也將之。

大。 人君當觀其才之大小而爲之制御之術以稱其志一隅之說不可用也夫殘騏驥者豐其芻粒。

哉至於養鷹則不然獲一雉飼以一雀獲一 絜其稱絡居之新閑浴之清泉而後實之千里彼騏驥者其志常在千里也夫豈以一飽而廢 **冤飼以一鼠彼知不盡力於擊搏則其勢無所得** 食放 **北志**

然後為我用才大者騏驎也不先賞之是發騏驎者饑之而責其千里不可得也才小者關也。

之是養應者飽之而求其聲搏亦不可得也是故先賞之說可施之才大者不先賞之說可施之才

南王供具飲食如王者一見彭越而以爲相國當是時三人者未有功於漢心厥後追項籍垓下與 小者氣而用之可也昔者漢高祖一見韓信而授以上將解衣衣之推食食之一見黥布而以爲淮

僧約期而不至捐數千里之地以畀之如薬弊屣項氏未滅天下未定而三人者已極富貴矣何則。

高帝知三人者之志大不極於富貴則不爲我用雖極於富貴而不滅項氏不定天下則其志不已

小嶷不先賞不怨而先賞之則彼將泰然自滿而不復以立功爲事故也噫方韓僧之立於齊蒯通。。 天下已定獎噲滕公灌嬰之徒計百戰之功而後爵之通侯夫豈高帝至此而嗇哉知其才小而志 也至於樊噲滕公灌嬰之徒則不然拔一城陷一陣而後增數級之鶴否則終歲不遷也項氏已滅。

武沙之說未去也當此之時而奪之王漢其殆哉夫人豊不欲三分天下而自立者而彼則曰漢王

不容我齊也放齊不捐則韓信不懷韓信無內心則天下非漢之有嗚呼高帝可謂知大 計矣。

論漢初諸將雖能揭其心事並能揭高祖之心緒聰明直到絕頂蘇家議論高人處往往 如

此

任相

潤頂無恥非皆節嚴好體不可犯者也故不必優以禮貌而其有不獨不法之事則亦不可以常法 不贤將不可易也故曰將特一大有司耳非相侔也任相之道與任將不同爲將者大概多才而! 伐而後將權 古之善觀人之國者觀其相何如人而已議者常曰將與相均將特一大有司耳非相 重有征伐無征伐相皆不可一日輕相賢邪則鄰有司 皆賢而將亦賢矣將賢邪相雖 作心。 國有征 或

不氏選評名家文集

御。 何 則豪縱不趨約束者亦將之常態也武帝視大將軍往往踞廁而· 李廣利破大宛使殺 士卒之

驯。 则寢而不問此任將之道· 也若夫相必節服好融 者為也非豪縱不趨約東者爲也。 枚接之以融。

而 N **資之古洛相見於天子天子爲之雕席起立在道爲之下與有病親問不幸而** 死。 親弔。 待之如

此其厚然其有卵· 亦不私心。 天地大變天下大過而相以不起聞矣相不勝任策呰至。 则 布农 H 府

免矣相有他失而棧車牝馬歸以思過矣夫接之以證然後可以重其實而便無怨言實之重然後

接之以證 將途與然不肯自飭故禮以維其心而重責以勉其怠而後爲相者莫不蛰忠於朝廷。 而不為過禮源而貴重彼將曰主上遇我以何禮而重我以此貴也甚矣實輕而雜重彼 而不卹其私。

吾與買館書至所謂長太息者常反覆顧不能已以爲誼生文帝時文帝遇將相大臣不爲無證。

問勃 一下獄誼逸發此使誼生於近世見其所以遇宰相者則當復何 如 也夫揚武之德三尺竪子。

其為盟人而猶有伊尹太公者為師 友焉伊尹太公非野於湯武 也而二聖人者。 特不 顧以師

之乎亦無矣天子 友之以明有尊也。 **噫近世之君姑勿實於此。** 上宰相與百官趨走於下掌儀之官名而呼之若郡 天子 御坐見宰相 而起者有之乎無矣在 耳。雖 與而 下者。

亦不過而算特貴貴之道不若是褻也夫旣不能接之以禮則其罪之也吾法將亦不得用何者。

守召

骨皮

臣子為

坐殿

不果於用證而果於用刑則其心不服故法曰有某罪而加之以某刑及其免相也旣曰有某罪而 而

裁头人不我誅而安忍薬其身此必有大愧於其君故人君者必有以愧其臣故其臣有所不爲武 剂不加焉不過削之以官而出之大潞鎮此其弊皆始於不爲之禮買誼曰中罪而自弛大罪

常曾以不冠見平津侯故當天下多事朝廷憂懼之際使石慶得容於其間而無怪爲然則必其待

之如體而後可以責之如法也且吾聞之待以體而彼不自效以報其上重其實而彼不自勉以全

效以報其上之為利宰相利其君之不實而豐其私者孰若自勉以全其身安其祿位成其 其身安其祿位成其功名者天下無有也彼人主傲然於上不禮宰相以自尊大者孰若使宰相 。 自

、功名之

爲忍吾又未見去利而就害遠忍而求禍者 也。

字 相之去座始於宋太祖自是以下天子待相之禮略殺此論似有激而談然亦不刊之說

矩 心乎足之相救非待仁而後然吾故日武王之不泄邇不忘遠非仁也勢也勢如此其急而古之君 部處於內而 (王不雅) 邇不忘遠仁矣乎非仁也勢也天下之勢猶一身一身之中手足病於外則腹心爲之深 · 求其所以療之之術腹心病於內則手足為之奔掉於外而求其所以療之之物腹

下之勢者天下不危乎改秦之保關中自以為子孫萬世帝王之業而陳勝吳廣乃楚人也由此觀 之天下之勢遠近如一然以吾言之近之可憂未若遠之可憂之深也近之官吏賢邪民譽之歌之。 獨武王然者何也人皆知一身之勢而武王知天下之勢也夫不知一身之勢者一身危而不知天

不賢邪觀之謗之譽歌觀謗者衆則必傳傳則必達於朝廷是官吏之賢否易知也一夫不獲其所。

之賢否易知而民之冤易訴鄧何從始邪遠方之民雖使盗蹠爲之郡守檮杌斃發爲之縣令郡縣 訴之刺史刺史不問裴糧走京師緩不過旬月撾鼓叫號而有司不得不省矣是民有寃易訴也吏

過訴之刺史不幸而刺史又抑之則死且無告矣彼見郡守縣令據案執筆吏卒旁列籃械滿前駭 之民羣嘲而聚爲者雖千百爲雅朝廷不知心白日執人於市誣以殺人雖其兄弟妻子聞之亦不

然而喪膽矣則其謂京師天子所居者當復何如而又行數千里費且百萬富者尙或難之而貧者 又何能乎故其民常多怨而易勋吾故曰近之可憂未若遠之可憂之深也國家分十七路河

之所恃以全其勢之輕重如何哉錢者北胡縣恣西寇勃叛河朔陝右尤所加卹一郡守一縣 右前廣川陝寶為要區河朔陝右二虜之防而中國之所恃以安南廣川峽貨財之源而。 河朔 冷。

膂不掃至於南廣川峽則例以為遠官審官差除取具臨時寬謫最移往往而至凡朝廷稍所優異

者不復官之南廣川峽而 其人亦以南廣川峽之官爲失職庸人無所歸故常聚於此嗚呼。 知 河

也。 陝右之可 矧其 地控制南 II: 而 不知河朔陝右之所恃以全之地之不可輕是欲富 夷氏巒最爲要害土之所產又極富夥明珠大貝紈錦布帛皆極精好。 其倉而 燕其田 。。 倉不 陸負 ग 得 iin

出境而其利百倍然而關譏門征僦雇之發非百姓私力所能辦故貪官專其利而齊民受其病。

招檔不鬻獄者世俗遂指以爲康吏矣而招權鬻獄者又豈遠無嗚呼吏不能皆廉而康者又止如招檔不鬻獄者世俗遂指以爲康吏矣而招權鬻獄者又豈遠無嗚呼吏不能皆廉而康者又止如

此是斯民不得一日安心方今賦取日重科斂日煩罷弊之民不任官吏復有所規求於其間。。 矣。

化 中李順竊簽於蜀州那數十望風奔潰近者智高飢廣南乘勝取九城如反掌國家設城池。 養士

卒蓄器械儲米栗以爲戰守備而凶豎一起若涉無人之地者吏不肯心今夫以一身任一方之資

者英岩背所。 南廣川峽既爲天下要區。 而 其中之郡縣又有爲南廣 川峽之耍區者其牧宰之賢否。

不才 實一方所以安危幸而賢則 而無 過 香漕刑 雖賢則其勢不得易置此猶弊車 已其戕民黷貨的 ||然有罪| 一種馬 可誅者暫 而求僕夫之善御 刑 固 亦得以 **舉助者** 也。 那 縣 夫 有 败 庸 事。 陋 不 選 耎

刑 則不 可責之則彼 必曰 敗事 者某所治某所者某 八也吾 開何所歸 頭放英若 使 帰 刑 自 舉

共 入而 任之他日 有敗事。 則謂之曰爾謂此人堪此職也今不堪此職是爾欺我也實有所任與無

干六

所逃然而擇之不得其人者蓋穿矣其餘郡縣雖非一方之所以安危者亦嘗昭寤官俾勿輕授城

更冗流勿指其間則民雖在千里外無異於處幾甸中矣。

蘇家議論發快條楊眉目分明讀之未符不竦然為勁近人方譯語體文字試讀此文較語

體如何吾間此等文乃真正語體惜職職者不之知也

窓 上

洛衆也朝廷之政那國之事非特如此而可治也彼雖不能繩趨而尺步華言而華服然而其才果 在貴而貴取焉賤而賤取焉是以盗賊下人夷狄異類雖奴隸之所恥而往往登之朝廷坐之郡國。 古之取士取於盜賊取於夷狄古之人非以盜賊夷狄之事可爲也以賢之所在而已矣夫賢之所古之取士取於盜賊取於夷狄古之人非以盜賊夷狄之事可爲也以賢之所在而已矣夫賢之所 而不以爲作而絕趨尺步華言華服者往往反擯棄不用何則天下之能絕趨而尺少華言而華服

贼夷狄而鄙之者也今有人非盗贼非夷狄而猶不獲用吾不知其何故也夫古之用人無擇於勢。 而舉二盗焉穆公霸秦賢也而舉由余爲是其能果於是非而不牽於衆人之賤也未聞有以用盗

布衣寒士而賢則用之公卿之子弟而賢則用之武夫健卒而賢則用之巫醫方技而賢則用之皆

可用於此則居此位可也古者天子之國大而多士大夫者不過日齊與寨也而管夷吾相齊賢也。

史賤近而賢則用之今也布衣寒士持方尺之紙。各聲稱剽糈之文而至享萬鍾之祿卿大夫之子

柄巫俗方技一首之中大臣且舉以為吏者此者皆非賢也皆非功也是今之所以進之之途多於 **弟恂**食於家一出而驅高車駕大馬以為民上武夫健卒有灑茄之力奔走之舊久乃倾潴郡。

古也而骨史賤夷獨棄而不錄使老死於敵榜趨走而賢與功者不獲一施吾甚惑也不知胥 止之

賢優而發之則儒生武士或所不若昔者漢有天下平津侯樂安侯雅皆號爲儒宗而卒不能。 為淡

立不世大功而其卓絕將偉隱耀四海者乃其賢人之出於吏胥中者耳夫趙廣漢河 之郡 **述**

尹翁師河東之獄吏也張敞太守之卒史也王尊涿郡之皆佐也是皆雄爲明博出之可以爲將一 而

長仰傾伏吏之情狀變化出入無不諳究因而官之則豪民猾吏之弊表襄毫末舉見於外無所逃 內之可以爲相者也而皆出於吏胥中者有以也夫吏胥之人少而習法律長而習獄訟老姦大家。

透而又上之人擇之以才遇之以殼而其志復自知得自奮於公卿放終不肯自棄於惡以買罪戾。

而敗其終身之利故當此時士君子皆優爲之而其間自縱於大惡者大約亦不過幾人而其尤賢

者乃至成功如是今之吏胥則不然始而入之不擇也終而遇之以犬旣也長吏一怒。 不問罪否袒

而笞之喜而接之乃反與交手爲市其人常曰長吏待我以犬彘我何望而不爲犬 統哉。 是以平民

林氏選評名家交換

二十八

不能自藥爲犬彘之行不肯爲更矣況士君子而肯俛首爲之乎然欲使之謹飭可用如兩漢亦不

過擇之以才待之以禮恕其小過而聚絕其大惡之不可貰忍者而後察其賢有功而倒之祿之貴

之勿惡之於冗流之間則彼有冀於功名自尊其身不敢匄奪而奇才絕智出矣夫人固有才。 智奇

而窮也使吏胥之人得出爲長吏是使一介之才無所逃也進士制策網之於上此又網之於下而 絕而不能為章句名數聲律之學者又有不幸而不爲者苟一之以進士制策是使奇才絕智有時

白天下有遺才者吾不信也。

求才於吏胥中即得趙廣漢其收場亦不過放膽以劫丞相而巳詎能謂之有才此論好爲

過激之談但能自圓其說

衡論下

後す

夫 利以汽廉雖古之所謂仁與義與信與廉者不止若是而天下之人亦不曰是非仁人是非義 人之所為有可勉強者有不可勉強者煦煦然而為仁子子然而為義不食片言以為信不

养信入是非廉人此則無諸已而可勉強以到者也在朝廷而百官肅在邊鄙而四夷懼坐之於繁

脑 粉擾之中而不亂投之於羽檄奔走之地而不惡為吏而爲吏爲將而爲將若是者非天之所與。 也。 心才不可強

性之所 人善騎射則人未 有不 可 勉 有 強 不以揖譲賢於騎射矣然 而能 道 與總 可 勉以進 而 揖 護者未必善騎射。 揠以進业今有二人焉一人善 m 騎射者 捨 其弓 以 排 排 跳。 護 於

其間。 則 未必 失容何哉才難強而道易勉也吾觀世 之用人好以 可 勉強之道 奥 德。 丽 加 之不 可 勉

強之才之上而曰。 我貴賢賤能是以道與 · 德未足以化人 而 一才有遺焉。 然而 爲此 者亦 有 由 矣。

潜。 不能 爲 飛 人 所 勉 強者耳何則奇傑之士常 好自負。 (疎傷傲 誕不 非 繩 檢。 往冒 法 律。 觸 刑禁。

叫號階 瀢 法。 然及其一 呼以發 旦 **共一時之樂** 一翻然而 悟3 而 扩 不 節 剧 丽 不爲此以留 其 嗣皆利酗酒。 意 於智 使氣 傲物志氣一 所謂 道與德 簽则 可勉 強者。 偶然 遊去。 则 何病 不 不至3 可顯 奈何 東以

· 樹小道加立 諸其上哉夫其不肯規規以爭 醴法。 而必自縱以爲此者乃上之人之過 也古之養

奇傑也任之以權尊之以倒。 厚之以祿重之以恩實之以措置天下之務而易其平居自縱之心而

聲色耳 目之欲又已極於外故不待放恋而後爲樂今則不然奇傑無 尺寸之柄位一 命之餠。 食斗

升之滁者過半彼又安得不越法逾禮而自快邪我又安可急之以法使不得秦然自縱 邪。 今 我繩

法 亦已急矣急之而 深已而 随之以刑。 則彼有 北 走胡南 走越耳。 噫。 無事之時。 旣 不 all 養。 及其

林氏滋評名欽文鏡

三十

上荷指其已成之功以曉天下俾得以贖其過而其未有功者則委之以雖治之事而貴其成績則。 已稱職當是時雖有奇傑無所復用而其禮法風俗尤復細密舉朝廷與四海之人無不道蹈。 才加 **植忠者也又安肯默然於窮困無用之地而已邪周公之時天下號為至治四夷已臣股卿大夫** 不幸一旦有邊境之患繁亂難治之事而後優韶以召之豐爾重祿以結之則彼已惐矣夫彼固非 非細密如周之盛時而奇傑之士復有困於簿曹米鹽間者則反可不議其能而恕之乎所宜哀其 自謂奇傑而欲免其過者是終亦潰法亂數耳曰是則然矣然而奇傑之所爲必挺然出於衆 八議之中猶有曰議能者況當今天下未甚至治四夷未盡臣服卿大夫士未皆稱職證法風 · 造共過無使為刀筆吏所困則庶乎盡共 。。 才矣或曰奇傑之士有過得以免則天下之人熟不 俗。又 人之 而其

此文足為懷才不遇者吐氣然非具有蕭何之眼光不能識韓信也今欲有位者均具此眼

天下之人不敢自謂奇傑而其奇傑者出矣。 。

光又焉可得

中法

古之法簡今之法繁簡者不便於今而繁者不便於古非今之法不若古之法而今之時不若古之

林氏混評名家文集

律介之所 之法 則 死仍人者刑則以著於法使民知天子之不欲我殺人傷人耳若其輕重 時。 視 之情又不皆如 信天下之輕 T 紧 簡 則 法。 忽 以 人之疾而參以己意今之法若鬻履既為其大者及為其次者又為其小者以求合天下之足故 1110 屬良任史 **嵊以邓** 緘 制 先王之作法也莫不欲服民之心服民之心必得其情情然邪而罪亦然則固入吾法矣。 怪也 悉委備。 其 光王 殊。 輕 禁造一明備雖婦人孺子皆知畏避而其間有習於犯禁而遂不改者舉天下皆知之而 少助任法而不任吏故其法繁古之法若方書論 重 重。 m 欲杜 而不 W. 故度量檔 · 水民之情以服其心則一心然則今之法不劣於古矣而用法者尙不能 不執於一左右前後四 而 內以大。 出 入之或 任法故其法简今則不然吏姦矣不若古之良民媮矣不若古之淳吏 天下之欺也爲之度以一天下之長短。 衡法 重大小是以先王忿其罪而哀其 出以小齊人適楚不知其孰爲斗孰爲斛持東家之尺而 至於認執民始 必賢之官賢之官而後天下同今也庶民之家刻木 顯而 則 不 灾 可 逃是以輕 雖以 情出 其大概 **天而** 一彩之量以齊天下之多寡爲之權 無辜放法舉其略而吏制其群殺 重其 彼得 **鄖出入其情皆可** 而增損劑量。 執其罪之大小以 出入永其 則以風醫 以水之法。 校之西 比 情 竹 而 加無弊何則。 為辭。 服 繩 簽則以 其心者。 鄰。 渚。 絲 使之 放今 则 皮不 m 縋 人 民

十指然此舉天下皆知之而未嘗怪者一也先王惡奇貨之蕩民且哀夫微物之不能遂其生 心。

禁民採 珠具恶夫物之僞而假眞且重費也故禁民糜金以爲塗飾今也採珠貝之民溢於海。

金之工肩壓於列肆此又舉天下皆知之而未嘗怪者二也先王忠賤之凌貴而下之僭 上也。 放冠

服器 IIL. 皆以假列為等差長短大小莫不有制令也工商之家曳紈錦服珠玉一人之身循其 首以

到 起。 丽 犯法者十九此又舉天下皆知之而未嘗怪者三也先王懼天下之吏負縣官之勢以侵劫

齊尺 也。 故使市之坐賈視時百物之貴賤而錄之旬輒以上百以百聞千以千聞以待官吏之私食。

民 十則損三三則損一以則以備縣官之公糴今也吏之私假而從縣官公糴之法民曰公家之取於 也。 固如是是吏與縣官斂怨於下此又舉天下皆知之而未管怪者四也先王不欲人之擅天一

之利 也故仕則不商商則有聞不仕而商商則有征是民之商不免征而吏之商又加以罰今也吏。

既幸而不制又從而不征資之以縣官公糴之法負之以縣官之徒載之以縣官之舟關防不

津梁不呵然則為東而商誠可樂也民將安所措手此又舉天下皆知之而未嘗怪者五 也。 老此

之類。 法 则禁之而人明犯之是不有天子之法也衰世之事也而**識者皆以爲今之弊不過**吏胥骫法 可悉數天下之人耳智目熟以爲當然憲官法吏目擊其事亦恬而 不問夫法 者天子 之法

徒。 以 公 多 面 吾以爲吏胥之姦由此五者始今有盜白蛰持挺入室而主人不知之禁則踰垣穿穴之

必且相告而恣行於其家其必先治此五者而後詰吏胥之姦可也。

五 可怪之事在老泉眼中以爲怪今則千倍百倍於此惜老泉不之見也然文字自明白

快利 於官文書

統 法

古者以仁義行法律後世以法律行仁義夫三代之盛王其教化之本出於學校蔓延於天下而形。。。。。。。。。。。。。。。。。。 見於禮樂下之民被其風化循循쬨翼務爲仁義以求避法律之所禁故其法 不用。

亦不 為不行於其間 下而至於漢唐其教化不足以動民而一 於法律故其民懼法律之及其身亦

律雖

丽

共

所

政。 相勉爲仁義唐之初大臣房杜蛩爲刑統毫釐 輕重明辯別白附以仁義無所阿曲不知周

刑何以易此但不能先使民務為仁義使法律之所禁不用而自行如三代時然要其終亦能使民

勉爲仁義而其所以不若三代者則有由矣政之失非法之罪也是以朱有天下因而循之變其節

目。而 存其 大體比問 小皮奉之以公則老姦大猾束手請死不可漏略然而獄訟常病多。 盗 贼 常病

则 亦有 由 矣法之公而吏之私也夫舉公法而寄之私吏猶且若此。 而 **况法律之間** 又不能

林氏斑許名宗文鎮

其何 以爲治今夫天子之子弟卿大夫與其子弟皆天子之所優異者有罪而 使與此隸並答而偕

殿。 大臣無恥而朝廷輕故有贖焉以全其肌膚而厲其節操故贖金者朝廷之體也所以自奪也。

非典 其有罪也夫刑者必痛之而後人畏焉罰者不能痛之必困之而後人懲焉今也大辟之誅:

不之金而免貨人近戚之家一石之金不可勝數是雖使朝殺一人而輸一石之金暮殺 人。 ini

轍一石之金金不可遊身不可困况以其官而除其罪則一石之金又不皆轍焉是恣其殺 人也且

殺人而官不能折以實者是皆不可以誠殺人之法坐由是有減罪之律當死而流使彼爲不能。 不笞不戮彼已幸矣而崩之又輕是啓姦也夫罪固有疑今有人或誣以殺不笞不戮彼已幸矣而崩之又輕是啓姦也夫罪固有疑今有人或誣以殺 人而 不能 自明 者有 自 誠

明者 郷 去死而得流刑已酷矣使彼爲誠殺 《人者邪流而》 不死刑已寬矣是失實也故有啓姦之景。

則 上 之人常幸而下之人雖死而常無告有失實之弊則無辜者多怨而僥倖者易以免今欲刑不

加 Ti o 赦不加多獨於法律之間變其一端而能使不啓姦不失實其莫若重脫然則重 一頭之說

日。 古 者五 刑之尤輕者止於墨而墨之間百鍰逆而數之極於大辟而大辟之閒千鍰此穆王之間

周 公之時則又重於此然千鍰之重亦已當今三百七十斤有奇矣方今大辟之贖不能當其三

分之一古者以之赦疑罪而不及公族令也貴人近戚皆贖而疑罪不與記曰公族有死罪致刑於

林氏選評名家文籍

順且彼雌魄為富強荷數犯法而數重困於贖金之間則不能不斂手畏法彼罪疑者雖或非其辜。 人雖君命宥不聽今欲貴人近戚之刑舉從於此則非所以自尊之道故莫若使得與疑罪皆重

而法亦不至殘潰其肌體若其有罪則法雖不刑而彼固亦已困於頗金矣夫使有罪者不免於困。

而無辜者不至陷於笞戮一舉而兩利斯智者之爲也。

重随 一節固就當時積弊而設為匡敷之術若徑行之今日則督軍之子弟人人皆擁發二

三千萬逐日可以殺人矣是烏足以為訓蘇家議論均急則治標之法非可以暢行之良法

也

兵制

三代之時舉天下之民皆兵心兵民之分自秦漢始三代之時開有諸侯抗天子之命矣未聞有卒

其放何也三代之兵耕而食蠶而衣故勞勞則善心生秦漢以來所謂兵者皆坐而衣食於縣官故 伍叫呼衡行者也秦漢以來諸侯之思不減於三代而御卒伍者乃如蓄虎豹圍檻一缺咆勃四出。

騎騎則無所不為三代之兵皆齊民老幼相養疾病相救出相禮讓入相慈孝有愛相弔有喜相變

和易放其兵畏法而自重秦漢以來號齊民者比之三代則旣巳淨矣況其所謂兵

三十

我谷也。 者乃其 **今**謂之日 齊民之中尤爲凶悍桀驍者也故常慢法而自樂夫民耕而食釵而衣雖不幸而不給猶一 爾毋耕爾毋蠶爲我兵吾衣食爾他日一不充其欲彼將曰 一褶即我 **非**當。

而不 我給也然則怨從是起矣夫以有善心之民畏法自重而不我咎欲其爲亂不可得也。 既騎矣。

又慢法 而自棄以怨其上欲其不爲亂亦不可得也且夫天下之地不加於三代天下之民衣食乎

其中渚又不褪於三代平居無事占軍籍畜妻子而仰給於斯民渚則徧天下不知其數奈何民之

不日劍月劇以至於流亡而無告也其息始於廢井田開阡陌一壤而不可復收故雖有明君賢臣。

焦思極處而求以救其弊卒不過開屯田置府兵使之無事則耕而食耳嗚呼屯田府兵其利旣不

足以及天下而後世之君又不能循而守之以至於廢陵夷及於五代燕帥劉守光又從而爲之黥

面涅手之制天下途以為常法使之判然不得與齊民齒故其人益復自棄視齊民如越 人矣太祖

既受命懲唐季五代之亂聚重兵京師而邊境亦不曰無備損節度之權而藩鎮 唐邦鎮之兵強秦之那縣之兵弱兵強故末大不掉兵弱故天子孤睽周與漢唐則過。 亦不曰無威周 丽 米 則不 與

得其中者惟吾朱也雖然置帥之方則遠過於前 代而制兵之術吾猶有疑焉何者自漢迄唐或

框 田或置府兵使之無事則耕而食而民猶且不勝其患今屯田蓋無幾而府兵亦 已廢欲民之

三代之盛時而乃成成嗟嗟無終歲之畜者兵食奪之也三代非田雖三尺童子知其不可復雖然。 。豐阜勢不可也國家治平日人民之趨於農者日益衆而天下無萊田矣以此觀之間斯民宜 如生

依做古制潮而碣之則亦庶乎其可也方今天下之田在官者惟二職分也籍沒也職分之田。

耕之斂其租之半而歸諸吏籍沒則鬻之否則募民耕之斂其租之半而歸諸公職分之田徧:

下自四京以降至於大藩鎮多至四十頃下及一縣亦能千畝籍沒之田不知其數今可勿復鬻然

後量給其所募之民家三百畝以爲率前之斂其半者今可損之三分而収其一以歸諸吏與公使

之家出一夫為兵其不欲者聽其歸田而他募謂之新軍毋黥其面毋湟其手毋拘之營三時縱之。 時集之授之器成教之戰法而擇其技之精者以爲長在野督其耕在陣督其戰則其人皆良農

也皆精兵也夫籍沒之田旣不復闊則歲益多田益多則新軍益衆而嚮所謂仰給於斯民者雖有。

廢疾死亡可勿復補如此數十年則天下之兵新軍居十九而皆力田不事他業則其人必純固樸

厚無叫呼衡行之憂而斯民不復知有鸧餉供億之勞矣或曰昔者斂其半今三分而 取一其無乃

薄於東與公乎日古者公卿大夫之有田也以為祿而其取之亦不過什一今東旣祿矣給之田則

一矣況三分而取一則不既優矣乎民之田不幸而籍沒非官之所待以爲宮也三分而取一不

X

猶愈於無乎且不如是則彼不勝爲兵故也或曰古者什一而稅取之薄故民勝爲兵今三分而取猶愈於無乎且不如是則彼不勝爲兵故也或曰古者什一而稅取之薄故民勝爲兵令三分而取 逸故雖取之差重而無害此與周制稍甸縣都役少輕而稅十二無異也夫民家出一夫而得安坐。 一可乎曰古者一家之中一人爲正卒其餘爲羨卒田與追胥竭作今家止一夫爲兵況諸古則爲

有而有田者不耕也耕者之田資於富民富民之家地大業廣阡陌連接募召泮客分耕其中陳笞。 取一與五而取一之爲多也是今之稅與周之稅輕重之相去無幾也雖然當周之時天下之民歌 舞以樂其上之盛德而吾之民反慼慼不樂常者擢筋俐屑以供億其上周之稅如此吾之稅亦如 輕始至於十一而又有輕者也今之稅雖不啻十一然而使縣官無急征無橫斂則亦未。 十二漆林之征二十而五蓋周之盛時其尤重者至四分而取一其次者乃五而取一然後以次而 古之稅頂乎今之稅重乎周公之制園廛二十而稅一近郊十一遠郊二十而二稍何縣都皆無過 此而其民之哀樂何如此之相遠也其所以然者蓋有由矣周之時用井田井田廢田非耕者之所。 以食敷百畝之田征縣科斂不及其門然則彼亦優爲之矣。 明 通 田 制 至乎四而

林氏選評名家文集

間 以爲不然个雖使富民皆奉其田而歸諸公乞爲非田其勢亦不可得何則井田之制。 税然 如 怨是以天下之士爭言復井田。 可 民 全力而供其上之稅也周之十一以其全力而供十一。。。。。。。。。。。 者日食其半以至於窮餓而無告夫使耕者至於窮餓而不耕不穫者坐而食富強之利猶且不可。 而 驅 丽 旧之所入。 有淺四井爲一邑四邑爲丘四丘爲甸甸方八里旁加一里爲一成成間有洫其地 四 以無 坐 乘大戧之後土쨄而人稀可以一舉而 役親以奴僕安坐四顧指壓於其間而役屬之民夏爲之耨秋爲之穫無有一人違其節度以協。 况富強之民輸和於縣官而 侚 illi 也況今之稅又非特止於十一而已則宜乎其怨歎嗟憤之不免也噫貧民耕而 為 機富 他以嬉又不免於怨其弊皆起於廢井田井田復則貧民有田以鯡穀食粟米不 縣。 四縣爲都四都方八十里旁加十里爲一同同間有澮其 民不得多占田以飼貧民其勢不耕則無所得食以地之全力供縣官之稅又可以無 已得其半耕者得其半有田者一人而耕者十人是以田主日累其半以至於富強耕 既又有言者曰称富民之田。 不免於怨歎嗟憤何則彼以其半而供縣官之稅不若周之民以其 就高祖之滅秦光武之承漢可爲而 之稅 以與無田之民則宮民不服此 也使以其半供十一之稅猶 八地萬井而 不為以是爲恨吾又 方百里百里之間。 百井而方十 九夫爲井井 不 一分於宮民 免於假富 用十二之 必生飢。

欁 上有珍百 一為漁者百為溝者萬既爲井田又必衆修溝洫溝洫之制夫間有遂逐上有徑十夫有辯。 夫有洫洫上有涂千夫有澮澮上有道萬夫有川川上有路萬夫之地蓋三十二里 有

半而共 Mi 移川 為路者 一為濟爲道者九爲逾爲涂者百爲游爲胗者千爲遂爲徑者萬此二者非。

寒谿壑平澗谷夷丘陵破墳嘉壞廬舍徙城郭易疆壠不可爲心縱使能。。。。

於其 中亦當騙天下之人竭天下之糧窮數百 1年事力於此了 不治他事 而後可以望天下之地 盡得平原廣 野 而逐 W. 規

非 已朽矣古者井田之與其必始於唐成之世乎非唐成之世。 III. 遊為帶血。 已而又為民作屋廬於其中以安其居而後可吁亦巳迁矣非田成而民之死其骨 無以成井田唐成啓之至於

又 門稍背音的至 周而 大備周公承之因途中定其制度疏盤其疆界非一 則周之世 田皿 遊館 如 此 也。

·M 由 之從生日中 來者衞矣夫井田雖不可爲而其實便於今今誠有能爲近井田者而用之則亦可以蘇民 井田 雖難卒行宜少近古限民名田以赡不足名田之說蓋出於此。 而後世未有行者。 矣乎。

心懼民不肯損其田以入吾法而遂因之以爲變也。 孔光何武 白史民名 田。 無過三十

東期意三年而犯李東以不便民也懼日 夫之口亦已過矣而期之三年是又迫燈平民使自壞其業非人情難用吾欲少爲之限而不禁其 者沒入官夫三十頃之田周民三十夫之田 山心縱不能盡力 如 馬 制。 人 而 練三十

復於貧而彼皆已過吾限者散而入於他人矣或者子孫出而分之以爲幾矣如此則富民所占者 少而餘地多餘地多則貧民易取以爲業不爲人所役屬各食其地之全利利不分於人而樂輸於。 田嘗已過吾限者但使後之人不敢多占田以過吾限耳要之數世富者之子孫或不能 保其 地以以

官夫貽坐於朝廷下令於天下不無民不動衆不用井田之制而獲井田之利雖周之井田何以遠。

過於此哉。

論井田之不利於後世言之毉毉即名田之說亦未必卽有把握然文之痛快處閱之心目

皆爽

上韓樞密書

深曉其義施之於今無所不可昨因請見求進末議太尉許諾謹撰其說言語樸直非有驚世紀 太尉 執事洵著曹無 他長及言兵事論古今形勢至自比賈誼所獻權暫雖古人已往成敗之迹茍

之談甚高難行之論太尉取其大綱而無責其織悉蓋古者非用兵決勝之爲難而發兵不用之可。

畏个夫水激之山放之海決之為溝塍雞之爲沿沚是天下之人能之委江湖注淮泗。

為大湖萬世而 不溢者自禹之後未之見也夫兵者聚天下不義之徒授之以不仁之器而数之以

林氏選評名家文集

殺。 人。 之。 夫惟 天 下 之未 安。 盗 賊 之 未 殄。 然後 有 以 施 其 不 義之心。 Ā 北 不 之器。 丽 試 共 殺

之時。 勇 者 無 餘 力。 智者 無 餘 談。 IJ 者 無 餘 技。 仪 其不義之心。 變 而 縞 此3 不 之器 加之

仁。 而 殺人 之事。 施 之於當 殺。及 关天下 旣 平。 盜 賊 Œ **殄不義之徒聚**而 不散。 勇者有餘力 力。 則 思。 以為。 不

飢。 智者有餘謀 則 思。以。 為。 簽巧者。 有。 技則 思。 以。 為。 計。 於是天下之患雞然出 矣蓋虎 豹 終 H

丽

殺。 H 跳 跟大 叫 以 發 其 怒。 蝮蝎 終日 而 不 螫。 則 噬 湖 草 木以 致 其 恭。 其 理固 然。 無足 怪 潜。 背者 劉

恋於 高 加 草 亦 莽之間。 已老矣。 方 秦楚無賴 是時 分 王諸 子弟。 于百為 將。 改定 **企律令與天下** 业。 爭起 而 應 者。 休 不可 息。 丽 勝數。 韓 信 鄟 黥 布 嗣 之徒。 五六 年天下 相 心。 而 厭 旭 兵項 者 七 籍 國。 高 死。 斌 丽

死 於 Hi · 自之間。 而 莫能 北 心。 連 延及 於呂氏 之關。 訖 孝 文 丽 後定。 是何 起之 易而 收 之難 也。 劉 項

勢。 初岩 決 河 順 流 ini 下。 誠 有 可 喜及 其崩 貨 四 出。 放平 数 百 里 之間。 拱 手 丽 英能 教 也。 赐 呼。 不 有 孤

人。 何 以 善其 後。 太 则 太宗。 躬 摄 甲 胄。 跋 履 險 阻。 以 斬 XI 四 方 之遂 蓄。 用 兵 數 十 年。 謀 臣 猛 粉 淵 天

H 卷 甲 而 休 之。 傳 四 业 丽 天 下 無 變。 此 何 秭 也。 荆 楚 九 II 之 地。 不 分 於 諸 游。 而 韓 信 黥 布 之 征。

無 北 Al.o 出怨言以邀其上 也。 趾 然。 天下 無 變而 兵 日有急是非 久 不 用。 则 人得千金不可 其。 不。 遊。 之。 110 可。 使。 窗 间。 心往 無。 师。 年韶天下 簽。 他 征。 優。 繞完 游。 求 规 迎。 池。 於。 .Vi 良。 川 戊。 11:0

親見凡那 縣之富民舉而 籍其名得錢數百萬以爲酒食飽餉之費杵聲未絕城輒隨壞。 如 此

者數年而後定卒事官立 而圖賞者比來京 你遊阡陌! 問其暫往先 往 偶

語。 無灰 諱忌聞之土人方春時尤不忍聞蓋時五六月矣會京師憂大水鋤耰畚築列於兩河之塌。

縣官日費千萬傳呼勞問之聲不絕者數十里猶且 **暗暗狼願夷背效用且夫內之如京師之所聞**。

外 之如 四川 之所親見天下之勢今何如也御將者天子之事也御兵者將之職也天子者發貸而

處 優樹 恩而收名與天下爲喜樂者 也放其道不可以御兵人臣執法而不求情遊。 心 m 不求名出

死 力以 14 祉 稷天下之心繁於一人而己不與焉故御兵者人臣之事不可以。 累天子也今之所息。

大 E 好名而 **慨謗好名則多樹私恩慍謗則執法不堅是以天下之兵豪縱至** 此而莫之或制 也。

者狄公在樞密號為寬厚愛人狎昵 士卒得其歡心。 而 太尉適承其後彼狄公者知 御 外之術。 丽

天子所以守狄公以 知治內之道此邊將 其御外之心而 材也古者兵在 外愛將軍 施諸 北 八內太尉不1 前总 天子在 反其 道而 內愛天子 何以 為治成 ,而忘將 者以 軍。 変 將 為 兵久隔 軍 所 以 不治。

旦繩以 法。 恐因以生 亂昔者郭子 、撥去河 南。 光弼質代 之將。 至之日。 張 用 濟 斬 於鼓 門。 軍股

栗夫以 **公**職 淮之 悍 而 代汾陽之長者三軍之士煉然如赤子之脫慈母 之懷而立乎嚴師 之侧。 何飢

四十四

於腐君臣之體順而畏愛之道立非太尉吾誰望邪不宣洵再拜。 結其心太尉厲威武以振其墮彼其思天子之深仁則畏而不至於怨思太尉之威武則愛而不至 之敢生且夫天子者天下之父母也將相者天下之師也師雖嚴赤子不以怨其父母將相雖厲天 太尉思天下所以長久之道而無幸一時之名盡至公之心而無邱三軍之多言夫天子推深仁以太尉思天下所以長久之道而無幸一時之名盡至公之心而無邱三軍之多言夫天子推深仁以 故天子不可以多穀人臣奉天子之法雖多殺天下無以歸怨此先王所以威懷天下之術也伏惟 下不以咎其君其勢然也天子者可以生人殺人故天下望其生及其殺之也天下曰是天子殺之。

此曹爲狄武襄發時有疑武襄者故此書曲爲之解言極平和詳贈

將之惡而攀盜仍不得食則謂之專養盜魁耳魁飽而攀盜飢雖未即反戈以掊其魁而小 **佘舰今日之養兵直是養盗夫盗果得養有衣食可恃尙不為飢乃竭天下齊脂盡入諸大**

民已遭魚肉矣所謂不義之心求遏於良民者舉天下皆是如 何 如何

上宮相公書

位質在第三方是之時天下咸喜相慶以爲關下惟不爲宰相也故默默在此方今困而後起起而 相 公閣下往年天子震怒出逐宰相選用哲臣堪付屬以天下者使在相府與天下更始而閣下之

林氏選評名宋文集

疑。 日。 後有 嗚呼其那狡聞也。 爲宰相而又植乎此時也不爲而何爲且吾君之意待之如此其厚也不爲而何以副吾望故咸 下 命而 異於他日者必吾富公也朝夕而待之跋首而望之望望然而 必其遠也進而及於京師亦無聞焉不敢以疑猶曰天下之人如 不獲見 此 也。 共 双 來 戚 也。 然 數 而

十年之間。 如此 其 變 也皆曰賢人爲或曰彼其 中則有說 也而天下之人則未 始見 也。 然而 不 iib 抓

皆知其爲人皆善者 憂蓋古之君子愛其 币。 人也則憂其無成且皆聞之古之君子相是君 而後 公無愛且 人之身。 而 | 欲擅天下之事雖見信於當世。 也與是人也皆立於朝。 而同 列之人一言 則使 吾

而疑之則 事不可以成今夫政出於他人而不懼事不出於己而不忌是二者惟善人 為能 然猶 欲

得其心焉者夫衆人政出於他人而懼其害己事不出於己而忌其成功是以有不平之心生夫或得其心焉者夫衆人政出於他人而懼其害己事不出於己而忌其成功是以有不平之心生夫或

居於吾前或立於吾後而皆有不平之心焉則身危故君子之出處於其間也不使之不平 於我 也。

周公立於明堂以聽天下而召公惑何者天下固惑乎大者也召公猶未能信乎吾之此心 心也周公

定天下誺管蔡告召公以其志以安其身以及於成王枚凡安其身者以安乎周也召公之於周公。

管蔡之於周公是二者亦皆有不平之心焉以爲周之天下公將途取之也周公誅其不平而不 可

告語者告其可以告語者而和其不平之心然則非其必不可以告語者則君子未始不欲和其心。

天下之人從仕 而至於卿大夫宰相集處其上相之所為何慮而不成不能忍其區區之小忿以成

其不平之鷺則害其大事是以君子忍其小忿以容其小過而杜其不平之心然後常大事而聽命

焉且吾之小忿不足以易吾之大事也故寧小容焉使無芥帮於其間古之君子與賢者並居。 而同

樂故其貴之也詳不幸而與不肖者偶不圖其大而治其細則闊遠於事情而無益於當世故。

無 业。 而後可與爭此不然則否告者諮呂用事陳平憂懼計無所出陸買入見說之使交散周 物陳

平用其策卒得絳侯 北軍之助以滅諸呂夫絳侯木強之人也非陳平致之而誰也故賢人者 致其

不賢者非夫不賢者之能致賢者也與者陛下即位之初寇萊公爲相惟其 《侧有小 人不能誅又不

能與之無忿故終以斥去及范文正公在相府又欲以歲月蟲治天下事失於急與不忍小忿。 亦急逐之一去途不復用以殁其身伏惟閤下以不世出之才立於天子之下百官之上此其 放發

深謀遠慮必有所處而天下之人猶未獲見洵西蜀之人也稱有志於今世願一見於堂上伏惟閣

下深思之無忽。

苑碑制 勝總為憂其無成四字而發引周召雖不無詞費然文勢應爾故亦不病 丞相 掛

林氏選評名宋文鎮

兆 昭 文相公執事天下之事制之在始始不可制制之在末是以君子愼始而無後憂敗之於其 無謀失諸其始而邀諸其終而天下無遺事是故古者之制其始也有百年之前。 而 爲之

未皆於其 者 也。 一蓋周 **始焉。** 公營平東 in 制 北極。 **蓋常舉之於諸侯考之於太學引之於射宮**。 年而待乎平王之東遷也然及其收天下之士而責其 间 武之弓矢如 賢不肖之分則 此 其備

而管叔蔡叔文正之子而武王周公之弟也生而與之居處。 習知 其性之所 好惡與 夫居之於太學。

而習之於射宮者宜愈詳矣然其不肖之質卒不見於此時及其出爲諸侯監 國臨大事 ini 不 克自

定然後敗露以見其不肖之才且失張弓而射之一不失容此不肖者或能焉。 而聖 人豈以爲 此 足

此有 以強人之才蓋將爲此名以收天下之士而後觀其臨事而黜其不肖故曰始不可制制之在末於 人求金於沙斂而揚之惟其揚之也精是以责金於揚而斂則無擇焉不然金與沙礫皆不錄

而 已矣故欲求盡天下之賢俊英若略其始欲求責實於天下之官莫若精其終今者天下之官自。。。。。。。。。。。。。。。。。。。。。。

相 府 illi 至 於 縣之丞尉其為數質不可勝計然而大數已定餘吏溫於官籍。 大臣 建議減任子削

進 士以 水 便 天下竊觀古者之制 略於始 m 精於終使賢者易進。 而 不肖 者易 犯。 夫 易犯 枚 易 退易

辽 者 救。 浆 置 進。 而不肖者易退夫何患官冗今也艱之於其始竊。。 恐夫賢者之難進。 與夫不肖

四十七

者之無以異心方个進退天下士大夫之權內則御史外則轉運而士大夫之間潔然而無過可任

以爲良者共實無幾且相公何不以意推之往年吳中復在犍爲一月而發二史中復去殼而史之

以罪免者曠歲無有也雖然此特洵之所見耳天下之大則又可知矣國家法令甚嚴洵從蜀來見

凡東商者皆不征非追骨調發皆得役天子之夫是以知天下之東犯法者甚衆從其犯而黜之十

年之後將分職之不給此其權在御史韓運而御史轉運之權實在相公願甚易爲也今四方之士。

會於京師口語籍籍奠不爲此然皆莫肯一言於其上誠以爲近於私我也洵西蜀之人方不見用

於當世幸又不復以科舉為意是以肆言於其間而可以無嫌伏惟相公慨然有憂天下之心征伐於當世幸又不復以科舉為意是以肆言於其間而可以無嫌伏惟相公慨然有憂天下之心征伐

平生之所望無復懷然者惟其獲天下之多士而與之皆樂乎此可以復動其志故遂以此告其左 四國以安天子毅然立朝以威制天下名著功遂文武並濟此其享功業之重而居富貴之極於其四國以安天子毅然立朝以威制天下名著功遂文武並濟此其享功業之重而居富貴之極於其

右惟相公亮之。

略始精終二義識高於頂

上 西屬密醬田

天之所以與我者夫豈偶然哉堯不得以與丹朱舜不得以與商均而瞽叟不得奪諸舜發於其心。

林氏選許名家文集

與以 固如 樂惠之徒而彼亦將有以辭其貴也然則孔子孟軻之目將不瞑於地下矣夫聖人賢人之用心也 **誠死於機寒窮困邪則天下後世之資將必有在彼其身之資不自任以為憂而我取而加之吾身**。。 名曰渠天自卑以求幸其言自小以求用其道天之所以與我者何如而我如此也其名曰 不已過乎今洵之不肖何敢以自列於聖賢然其心亦有所不甚自輕者何則天下之學者孰不欲 不預吾事吾事畢矣竊怪夫後之賢者之不能自處其身心饑寒窮困之不勝而號於人嗚呼使其 者其責在我逆天者其實在人在我者吾將盡吾力之所能爲者以塞夫天之所以與我之意一 天我之罪也褻天亦我之罪也不棄不褻而人不我用不我用之罪也其名曰道天然則 出於其首見於其事確乎其不可易也聖人不得以與人父不得奪諸其子於此見天之所以與我 遇老於道塗而不倦不慍不怍不沮者夫固知夫實之所在也衞靈魯哀齊宣梁惠之徒之不足相 免乎天下後世之譏在人者吾何知焉吾求免夫一身之貴之不暇而爲人憂乎哉孔子孟軻之不免乎天下後世之譏在人者吾何知焉吾求免夫一身之貴之不暇而爲人憂乎哉孔子孟軻之不 者不偶然也夫其所以與我者必有以用我也我知之不得行之不以告人天固用之我實置之其 有為也我亦知之矣抑將盡吾心焉耳吾心之不盡吾恐天下後世無以貴夫衞經得哀齊宜 此如此而生如此而死如此而貧賤如此而富貴升而爲天沉而爲泉流而爲川止而爲山彼 棄天聚天 黎天薬 而求

正十

蹴 而 造里 人之城然及其不成也求一言之幾乎道而不可得也千金之子可以貧人。 可以當

天之所與於 雖以貧人富人之檔求一言之幾乎道不可得也天子之宰相可以生人可以殺人非

天之所與雖以生人殺人之權求一首之幾乎道不可得心今洵用力於聖人賢人之術亦已久矣。

共言語其文章雖不識其果可以有用於今而傳於後與否獨怪其得之之不勢方其致思於心也。

若或起之得之心而費之紙也若或相之夫豈無一言之幾乎道千金之子天子之宰相求而不得

戲寒窮困亂其心而聲律配問又從而破壞其體不足觀也已數年來退居山野自分永乘於世俗 者一旦在已放其心得以自負或者天其亦有以與我也髮者見執事於益州當時之人淺狹可笑。

日疎關得以大肆其力於文章詩人之髮柔騷人之精深孟韓之溫淳遷固之雄剛孫吳之節 切。

之所积。 無不如意常以爲常生得聖人之經其失也流而爲迂置錯得聖人之權其失也流而爲於。

有二子之才而不流者其惟賈生乎惜乎今之世恩未見其人也作策二道曰審勢審敵作皆

者不忍棄且不 晋的有山思 不敢褻也執事之名滿天下天下之士用與不用在執事故敢以所謂策二 田一頃非凶歲可以無饑力耕而節用亦足以自老不肖之身不足惜而天之所與 逝。

為獻平生之文遠不可多致有洪範論史論七篇近以獻內翰歐陽公度執事與之朝夕相從。

櫃

非

而議天下之事則斯文也其亦庶乎得陳於前矣若夫其言之可用與其身之可貴與否者執事事

也執事實也於洵何有哉。

上權貴書恩一生未嘗爲也以昌黎之賢愚未敢以上宰相之浩爲是其他尤不欲從議明

尤此文雖有所求然步步自占身处不作哀鳴之聲書末言有田足以自活其不忍薬不敢

褻欲自表其敬道之文耳昌黎之言何皆不如此所欠者無一頃山田耳

上余岢州背

洵聞之楚人高令尹子文之行曰三以爲令尹而不喜三奪其令尹而不怒其爲令尹也楚人爲之

喜而其去令尹也楚人爲之怒己不期爲令尹而令尹自至夫令尹子文豈獨思夫富貴哉如其不喜而其去令尹也楚人爲之怒己不期爲令尹而令尹自至夫令尹子文豈獨思夫富貴哉如其不 可以求得而安其自得是以喜怒不及其心而人爲之器驚嗟夫豈亦不足以見已大而人小邪脫

然為菜於人而不知藥之為悲紛然爲取於人而不知取之為樂人自爲藥我取我而吾之所以爲

我者如一則亦不足以高視天下而稱笑矣哉昔者明公之初自否於南海之濱而爲天下之名卿。

常其盛時激昂慷慨論得失定可否左摩西羌右揣契丹泰使千里彈應彈捍不屈之勝其辯如決

河流而東注諸海名聲四溢於中原而滂薄於戎狄之國可謂至盛矣及至中廢而爲海濱之匹夫。

林氏選評名家文集

董其間十有餘年明公無求於人而人亦無求於明公者其後適會南蠻縱橫放肆充斥萬里而英

專變以成大功功成而僭祿至明公之於進退之事蓋亦綽綽乎有餘裕矣悲夫世俗之人紛紛於 之或敕则公乃起於民伍之中折尺鑑而笞之不旋踵而南方乂安夫明公豈有求而爲之哉適會

富貴之間而不知自止達者安於逸樂而習爲商岸之節顧視四海饑寒窮困之士莫不頻歷嘔嗷

而不樂寫者裴驁不飽布禍不暖習爲貧賤之所摧折仰望貴人之輝光則爲之頗倒而失措此二

人著皆不可與語於輕富貴而安貧賤何者彼不知貧富貴賤之正味也夫惟天下之習於富貴之人。

弊而忸於貧賤之辱者而後可與語此今夫天下之所以奔走於富貴者我知之矣而不敢以告人。

也富貴之極。止於天子之相而天子之相果雖爲之名豈天爲之名邪其無乃亦人之自相名邪夫。

天下之官上自三公至於卿大夫而下至於士此四人者皆人之所自爲也而人亦自貴之天下以

為此四治絕緣雖類特立於天下而不可幾近則不亦大惑矣哉盡亦反其本而思之失此四名者。

其初查出於天下之人出其私意以自相號呼者而已矣夫此四名者果出於人之私意所以自相 呼心则失世之所閒賢人君子者亦何以異此有才者爲賢人而有德者爲君子此二名者夫豈

輕也說而个世之士得為君子者一為世之所藥則以為不若一命士之貴而況以與三公爭哉且

所迁山沁西蜀之匹夫皆有志於當世因循不遇途至於老然其皆所欲見者天下之士蓋有五六 惟加察幸甚。 自重認前以爲明公之習於富貴之榮而狃於貧賤之辱其皆之也蓋以多矣是以極言至此而無 人五六人者已略見矣而獨明公之未答見每以爲恨今明公來朝而洵適在此是以不得不見伏。 决则公告者之伏於南海與夫**个**者之為束賭侯也君子豈有聞於其間而明公亦豈有以自輕而

文極縱恣有策士氣是老泉本色

上原阴内的第一哲

時在京師親見其事忽忽仰天歎息以爲斯人之去而道雖成不復足以爲榮也旣復自思念往者 內翰執事前布衣斯居管擁有數以爲天下之人不能皆賢不能皆不肖故賢人君子之處於世合 <u> 从膼</u> 别上下用力於兵革之地方是之時天下之人毛髮絲粟之才紛紛然而起合而爲一而! 必難離必合往者天子方有意於治而范公在相府富公爲樞密副使執事與余公蔡公爲諫官尹必難必合往者天子方有意於治而范公在相府富公爲樞密副使執事與余公蔡公爲諫官尹 自皮其怂恿無用之身不足以自奮於其間退而養其心幸其道之將成而可以復見於當世之賢 人君子不幸道未成而范公西宮公北執事與余公蔡公分散四出而尹公亦失勢奔走於小官洵 洵也

矣。 如 衆君子之進於朝其始也必有善人爲推之今也亦必有小人爲間之今之世無復有善人也則已 ,其不然也吾何憂焉始養其心使其道大有成而咎之何傷退而處十年雖未敢自謂其道有

成矣然浩浩乎其胸中若與髮者異而余公適亦有成功於南方執事與蔡公復相繼登於朝富公

復自外入爲宰相其勢將復合爲一喜且自賀以爲道既已粗成而果將有以發之也旣又反而

其嚮之所慕望愛悅之而不得見之者蓋有六人令將往見之矣而六人者已有范公尹公二人亡

焉則又爲之潸然出涕以悲嗚呼二人者不可復見矣而所恃以慰此心者猶有四人也則又以自

解思其止於四人也則又汲汲欲一識其面以發其心之所欲言而富公又爲天子之宰相遠方寒,。

士未可避以言通於其前余公裝公遠者又在萬里外獨執事在朝廷問而其位差不甚貴可以叫。

呼扳拨而開之以言而饑寒衰老之病又痼而留之使不克自至於執事之庭夫以慕望愛悅 其人

之心十年而不得見而其人已死如范公尹公二人者則四人之中非其勢不可遽以言通者。 何可

以不能自往而避已也執事之文章天下之人莫不知之然稱自以爲洵之知之特深愈於天下之

轉魚寇蛟龍萬怪惶惑而抑遏蔽掩不使自露而人自見其淵然之光者然之色亦自畏避不敢迫。 人何者孟子之文語約而意盡不為艬刻斬絕之言而其餘不可犯韓子之文如長江大河渾浩流。 林 氏選評名家文集 勞苦之態此三者皆斷 親設 執 事之文紆餘委備往復百折而條達疎暢無所 然 自為 一家之文也惟孝卿之文其味黯然而 間 断氣盐語極為 急言竭論 長其 光 抑 而容與閒 然 丽 啊。 易無 倂 仰

有 執 事 之態。 陸贄之文遺言措意切近的當有執事之實而 執事之才又自有過 人 、者蓋執 事。

非 孟。 子韓子之文而 歐陽。 子之文也夫奴 樂道人之警而 不 爲諂 者以 共 人 誠足 以常之也。 彼不 知者。

則 以 為 譽 人以 水 其 倪 己 也。 夫譽人以求其 悦已洵 亦 尔 爲 心而 共 所以道: 執 वीर 光 明 盛 大之德

不 自 知 止 者。 亦 欲 執 事之知其 知 我也。 雖然執 事之名滿 於天下。 雖不 見 (其文而) 固 已知 有歐 陽子

矣。 洵 也不幸隨在 草 野泥塗之中而其知道之心又近 而 粗 成。 m 欲徒手奉咫尺之皆自托 於執

事。 將 使執 事何 從而知之何從而 信之哉洵少年不學生二十 五歲始知讀曹從士君子遊年既 巴

晚。 又不遂刻意厲行以古人自期而 **視與己同列者皆不勝己則途以爲可矣其後困益** 悲然何

古 人之文而讀之始覺其出言用意與己大異。 時復內顧自思其才則又似夫不遂止於 是 而 巴

者。由 是盡 燒蝨 時 所 爲 文數百篇収論 語孟 子韓子及其他聖人賢 人 (之文)而 兀然端 坐 終 B 以

七 年方 其始 也。入入 。其。 中而。 惶然博觀於其外而駭然以 心觀 之盆精 而 共。 胸。 410

III) o 岩 人。 八之言固當然之 者然猶未敢自出 其。言。 也。 時既久胸: 盆。 多不 能。 自。 制。 肬 出。 गां०

五十六

於 韩 集 選

其如 之已而再三讀之渾渾乎覺其來之易矣然猶未敢以爲是也近所爲洪範論史論凡七篇執事觀。 ,何嘻區區而自言不知者又將以爲自譽以求人之知己也惟執事思其十年之心如是之不。。

偶然也而察之。

文千盤百折不近於詞費者神定而筇隨之故能自圓其說末一段腧蹟文之功效非會皆

其甘苦者不復知也

上歐陽內翰第二書

之韓愈氏韓愈氏沒三百年矣不知天下之將誰與也且以一能稱以一善書者皆不可忽。 以一能稱以一善書者皆有以過乎千萬人者也自孔子沒百有餘年而孟子生孟子之後, 內翰 而 而同道以某問某蓋有曰吾不聞者焉而況乎天下之廣後世之遠雖欲求髣髴豈易得哉古之以 能稱以一善書者愚未嘗敢忽也今夫華葦焉而生逐逐焉而死者更于萬人不稱不書也。 至荀卿子荀卿子後乃稍闊遠二百餘年而揚雄稱於世揚雄之死不得其機千有除 諫議執事士之能以其姓名聞乎天下後世者夫豈偶然哉以今觀之乃可以見生而同鄉學 年。 数十年 川東 im 彼之 後屬

帮而屢皆者其為人宜尤可貴重奈何數千年之間四人而無加此其人宜何如也天下病無叛人。

也況夫四子者之文章誠不敢冀其萬一頃者張益州見其文以爲似司馬子長洵不悅辭焉夫以。 天下而有斯人也宜何以待之尚一窮布衣於今世最爲無用思以一能稱以一善醬而不可得者

布衣而王公大人稱其文似司馬遷不悅而辭無乃爲不近人情誠恐天下之人不信且懼張公之

不能剧 其言重為世俗笑耳若執事天下所就而折衷者也不知其不肖稱之曰子之六經論。 荷卿

子之文也平生爲文求於千萬人中使其姓名髣髴於後世而不可得今也一旦而 得齒於四

之中天下烏有是哉意者其失於斯言也執事於文稱師魯於詩稱子美聖俞未開 其有 此言 心意

者其遗 也惟其恐而 不願日書其所爲文惟執事之求而致之旣而屢請而屢解焉曰吾未暇 讀 也。

不敢復見甚慚於朋友曰信矣其戲也雖然天下不知其爲戲將有以議執事泃亦且

得罪。

執事憐其平生之心苟以爲可數亦足以樹其衰老唯無曰荀卿云者幸甚。。

退而處

老泉之志豈止荀卿今作此曹未必出於本心其引張益州者非不敢當子長之稱以贊己

者非其人也再上此曹丁寧至再不當荀卿正欲坐實其言之足爲荀卿也文人好譽往往

類此

與歐陽內翰第三書

林氏遷評名家文集

洵 啓。 昨出 京倉惶途不得一別去後數日始知悔恨蓋一 何似二子軾 時間變出 不意途擾亂 如此快慑快慑不

矣自思 審日來奪履 平生羇蹇不遇年近五十始識閣下傾蓋 轍。 竟不免丁憂今已到家月餘幸且 語語。 平生非徒欲 存活。 **洵道** 援之於貧賤之中乃與切 塗奔波老病侵陵。 成

便若

磨論 無壯 議共為不知 子弟守合歸來屋廬 朽之計。 而 |倒壞籬落破漏如逃亡人家今且謝絕過從杜門不出亦稍稍 計 未及成气 開此 **變孟軻有云行或** 使之止或尼之豊信然邪洵 取 舊 鲱 咨询 家時。

之時有所懷輒欲就開下評議忽篤相去巳四千里思欲跂首望見君子之門庭不可得也所示范。

公碑文議及申公事節最為深厚近試以語人果無有曉者每念及此戲戲不樂問 下雖賢俊滿門。

足以笑歌俯仰終日不悶然至於不言而心相諭者閣下於誰取之自蜀 至秦山行一月自秦至京

師又沙行數千里非有名利 、之所驅與 。 凡事之不得已者孰爲來哉洵老矣恐不能復東閣下當時

賜音問以慰孤耿病中無聊深愧疎略惟千萬珍重。

韻此 替文公與 文忠 已訂交故語氣質直不為前此之撝謙所云不言而諭二公之交誼可

想而知

上歐陽內翰第四書

林氏選評名家文集

於爲

貧o

是二者皆無名焉是故

其

來

遲

遲

而

未甚樂也

王命

且

再

下。

· 泃若固解。

必將

以

為

沾名。

而

洵

固

以

老

而不能爲矣人皆曰求仕將以行道者此

者果足以行道乎既不

足以行道

而

又

不

所

希

望今歲之秋軾

轍

已服

阕。

亦

不

可

不

與之俱東恐內翰怪

其

久而

不

是以

略

陳

共

意。

拜見尚

來。

此。而 志爲 名。 世戾俗。 至戊 當 **狗**啓。 至京 有私 欲 以為不認品 往 背 《謝之嫌今者》 间。 戊之冬凡七 字 高 者。 且 夏熱伏 相者。 得罪 旅食於都 頭。 過在 爲貧乎實未至 而近於君可 又以 可以及等而 於門 於不 惟提舉內翰尊候萬福嚮為京兆尹天下謂公當由此得政其後間有此授或以為棉 下是故略陳 市以 為 剂 百 肯鹵莽然此豈足爲公損益 既不行。 餘日 時 待命而數月間 一於機 不 以行道者莫若 可 奏之從中下相 而 寒而不 得召朝廷之事其節目 為。 而朝廷又欲必致之恐聽者不 而我 其一二以晚左右聞之孟 將有 擇以爲行道乎道 兩制然 得 試於 府。 所 相與擬 待。 若洵 **稻以** 所 哉。 謂舍人院者然後使諸公專考 洵 · 期限 又可 議又須年載間。 爲 久不 不 固 軻日仕 以行道· 奉書。 得 示 如此之繁且 察以爲匹 為宰 在 非敢有 我。 責之邪始公進 相。 E. 而後 朝 久心。 貧而 夫而 解。以 廷將 所 可以庶幾有望於一 派 何以待 使洵 有時 要君 爲用 制 於其 乎爲貧。 其文自 命。 **其文亦 一二年幸** 个日治行數月 公之奏而 之个人 L. 以 而 和 之 爲 不 丙 得行 之所 # 高 得 官。 之秋。 所 召。 而 如 而 北 為 浓

嘉

遠唯千萬為國自重。

宋 時 候 選 人既如此之煩 難則亦何 怪先清時人員之擁擠老泉此書語極平易意頗牢

騒

上歐陽翰內第五書

內 翰 侍 郎執事洵以 無用之才久爲天下之棄民行年五十未嘗見役於世執事獨以爲可收。 而 論

之列。 之於天子再召之試而尚亦再解獨執事之意。 M 重 違 執事之意譬之巫醫卜视特捐一官以乞之自顧無 心叮寧而 不肯已朝廷雖知 分毫之功有益於世。 共 (不肖) 不足以唇 而 E 命 士 奎門。 天 夫

不 知 辭 譲。 不畏簡書 朋友之磯 而 **苟以爲榮此所** 以深愧於執事。 久 而 不 至於門也然 君 子之相從。

本 知 共 非以求利蓋亦樂乎天下之不知其心而或者之深知之也執事之 心。 既見也。 聞其言而信其平生。 洵不以身之進退出處之間有謁於執事而執事 於洵。 未識 共面 亦不 也。 見共 以稱譽 文而

薦拔 之故有德於洵 再召 而解也執事不以爲矯而 知其恥於自求一 命而 受也。 執事不以爲貪。 丽

其 不欲爲異其去不追而其來不拒其大不榮而其小不辱此洵之所以自信於心者而執 非

知之故 服 也古之君子重以其身臣 儿 照記 而 至門者。 為是 人者蓋爲是也哉子思孟軻之徒。 謝也體曰仕 而 未有祿者君有餽焉曰獻使焉曰 至於是國國君使 寡君。 人館 邁 党 北 嗣 日 。 而 君 薨。

寡君 則洵 使某有獻於從者布衣之尊而至於此惟不食 也獨得以賓客見不然其將與奔走之吏同趨於下風此泃所以深自憐也惟所栽擇。 其祿也今洵已有名於吏部執事 其將 以道取

老泉自是有風節人於歐公尙如此其他可知文落落有殊致

與梅聖俞書

聖俞足下揆間忽復歲晚咋九月中皆發書計巳達左右洵閒居經歲益知無事之樂舊病漸復散

去獨恨淪廢山林不得聖俞永叔相與談笑深以嗟惋自離京師行巳二年不意朝廷尙未見遺以。 其不肖之文猶有可者前月承本州發造赴闕就試聖俞自思僕豈欲試者惟其平生不能 區 區 附

合有司之尺度是以至此窮困今乃以五十衰病之身奔走萬里以就試。 不亦為 Щ 林之士所 輕笑

哉自思少年嘗學茂才中夜起坐裘饭攜所待曉東華 門外逐隊而 入風膝就席俯首據案其

思 至 此。 即爲寒心今齒日益老尚安能使達官貴人復弄其文墨以 、窮共 所不知邪且以永叔之言。

利。 夫三曹之所云皆世之所見今千里召僕而武之蓋其心尙有所未信此尤不可茍進以求其榮 心咋適有病遂以此辭然恐無以答朝廷之恩因爲上皇帝書一通以進蓋以自解其不至之即。

而已不知聖兪當見之否冬寒千萬加愛。

林氏選評名家文集

寫

風節高屑世無其匹

張益州莊像記

至 和 發衆言 元 年 秋。 蜀 则。 人 傳 言 自定外亂 有寇至逸軍夜呼野無居人妖言流聞京師髲幣。 不作。 中起不 可以文令又不 可以武競 方命擇帥天子 白。 一步養飢。

fig 班 處 助 茲文武 之間。 朋 其命 股志 往 撫 股師。 乃惟 變且 日 張公某其 人天子曰然公以親 所。 茅 惟朕 可。 遂行各十一 二二大 进。 月至 躭

事。 蜀。 又明年正月相告留 至 之日。 歸 屯軍。 撤守 備。 公僚于淨衆寺公不能禁眉 使謂 那 縣寇來 在吾無爾勞苦明年 於衆曰未亂易治也 Œ 月 朔 E. 蜀 人 相 題 加 他 易治。 日。 遂 災無

氰之萌無鼠之形是謂 將鼠將鼠難治不可以有鼠急亦不 陽蘇洵言 可 以無飢弛是惟 完年之秋· · 如器之欲 。

未 《壁於地》 惟爾張 公安坐於其旁顏色不變徐起而 正之既正油然而 退 無矜容為天子牧小民不

惟 関張公爾緊以生惟爾父母且公管為我言: 民 無常性惟上所待人 皆曰蜀人多變於是待之

·所 491. 娰 盗 之身而 规 之意。 楽 而 之於 網之以 盗 細 版。 枚 毎 徘 之法重足屏 大 Al. 夫約。 之以。 息之民。 ·禮服之以: 而以破 斧介。 法。 惟 於是 蜀。 人。 為易。 民 始 忍以 至 於急之而 其父母 妻子之 生 變。 雖

齊魯 亦 然吾以齊魯待蜀 人。 而蜀 人 亦自以齊魯之人待其身若夫肆意於法 律。 之。 以威。 鋤。

。我

吾不忍為也嗚呼愛蜀人之深待蜀人之厚自公而前吾未始見也皆再拜稽首曰然蘇洵又曰公吾不忍為也嗚呼愛蜀人之深待蜀人之厚自公而前吾未始見也皆再拜稽首曰然蘇洵又曰。

然於我心有不釋焉今夫平居聞一善必問其人之姓名與鄉里之所在以至於其長短大小美惡 之恩在爾心爾死在爾子孫其功業在史官無以像為也且公意不意如何皆曰公則何事於斯雖

之狀甚者或詰其平生所嗜好以想見其爲人而史官亦書之於其傳意使天下之人思之於心。 則

人慷慨有節以度量容天下天下有大事公可屬系之以詩曰天子在祚歲在甲午西人傳言有寇。 存之於目存之於目故其思之於心也固由此觀之像亦不爲無助蘇洵無以詰遂爲之配公南京

在垣庭有武臣謀夫如婁天子曰嘻命我張公公來自東旗纛舒舒西人聚觀于巷子塗謂三 公暨暨

公來于于公謂西人安爾室家無敢或訛訛言不祥往即爾常春爾條桑秋爾滌場西人來觀公我

父兄公在西囿草木駢駢公宴其僚伐鼓淵淵西人來觀祝公萬年有女娟娟閨**闥**閑閑宵了。 童哇哇。

亦既能言昔公未來期汝棄捐禾麻芃芃倉庾崇崇嗟我婦子樂此歲豐心在朝廷天子股肱天子。

日歸公敢不承作堂嚴嚴有應有庭公像在中朝服冠纓西人相告無敢逸荒公歸京師公像在堂。

此文一改平日警快之概歸於高古言中有物亦莊亦雅詩簡古可誦

林氏透醉名家交籍

六十四

文锡之徒飲酒食肉以自絕於其教嗚呼歸爾父子復爾室家而後吾許爾以叛爾師父子之不歸。 欲求知於吾士大夫之間者往往自叛其師以求容於吾而吾士大夫亦喜其來而接之以證。 去是其心且不能馭其形而況能以馭他人哉自唐以來天下士大夫爭以排釋老爲言放其:。。。。。。。。。。。。。。。。。。 耳天之界我以形而使我以心馭也今日欲適秦明日欲適越天下誰我禦故居而不樂不樂而。。。。。。。。。。。。。。。 君子恥食其 人之居乎此也其必有樂乎此也居斯樂不樂不居也居而不樂不樂而.。 食 丽 無 其 功恥服 其 服 而不知其事故居而不樂吾有吐食脫服 不去爲自欺且爲欺天蓋 以逃天下之饑 徒之 靈師 丽 E

韓之先覺而比丁公之貳則爲愈予在京師彭州僧保聰來求識予甚勤及至蜀閒其自京師 名者請予爲記予佳聰之不以叛其師悅予也故爲之記曰彭州龍與寺僧平潤講圓覺經有奇因名者請予爲記予佳聰之不以叛其師悅予也故爲之記曰彭州龍與寺僧平潤講圓覺經有奇因 室家之不復而師之叛是不可以一日立於天下傳曰人臣無外交故季布之忠於楚也雖不如蕭 衣蔬食以為其徒先凡若干年而所居圓覺院大治一日為予道其先師平潤事與其院之所以得 歸。

於其院以成是爲記。

通篇主意在不叛其師四字果爲眞僧不叛其師亦屬恆事乃老泉於此四字之先作無數

以名院院始弊不葺潤之來始得隙地以作堂宇凡更二僧而至於保聰聰又合其鄰之僧屋若干

碨皇語始落到佳聰身上此是無中生有常中取異之法

極樂院造六菩薩記

始予少年時父母俱存兄弟妻子備具終日嬉遊不知有死生之悲自長女之夭不四五 年而 丁母

夫人之憂蓋年二十有四矣其後五年而喪兄希白又一年而長子死又四年而幼姊亡又五年而夫人之憂蓋年二十有四矣其後五年而喪兄希白又一年而長子死又四年而幼姊亡又五年而

次女卒至於丁亥之歲先君去世叉六年而失其幼女服未旣而有長姊之喪悲憂慘愴之氣鬱積

宋散蓋年四十有九而喪妻焉嗟夫三十年之間而骨肉之親零落無幾逝將南去由荆楚走大梁。 。。

然後訪吳越適燕趙徜徉於四方以忘其老將去慨然顧墳萬追念死者恐其魂神精爽滯於幽陰

冥漠之間而不復曠然遊乎逍遙之鄉於是造六菩薩幷征座二所蓋釋氏所謂觀音勢至天臟地

藏解寃結引路王者置於極樂院阿碿如來之堂庶幾死者有知或生於天或生於四方上下所適。

如意亦若余之遊於四方而無緊云爾。。

敍其家難幾令人不忍卒讀乃忽脫然舍去以壯遊自殺其悲而又不忍於死者在渺茫中

亦望其適於逍遙之鄉如己之壯遊焉心機之活潑奠不可思議

木假山記

林氏逕評名家文集

六十五

六十六

木之生或葉而 題或拱而三) (天幸而) 至於任為棟梁則伐 不幸 而爲風之所拔水之所漂或破! 折。 或腐。

幸而得不破折不腐則爲人之所材而有斧斤之患其最幸者漂沉阳沒於湍沙之間不知其幾百

年而其激射齧食之餘或髣髴於山渚則爲好事者取去強之以爲山然後可以脫泥沙而遠斧斤。

而荒江之濱如此者幾何不爲好事者所見而爲樵夫野人所薪者何可勝數則其最幸者之中又

有不幸者爲予家有三篆予每思之則疑其有數存乎其間且其藥而不腐拱而不夭任為棟梁 而

不伐風拔水漂而不破折不腐。 不破折不腐而不爲人所材以及於斧斤出於湍沙之間而不爲擔

夫野 人 へ之所 夢不 而後得 至 **平此**。 則 其 理似 不 偶然也然予之愛之則 非徒愛其似 山。 而 又有所 肞 爲。

非徒 愛之而 又有所敬焉予見中米魁岸踞肆意氣端重若有以服其旁之二 迷。 **峯者莊栗刻館**

凜乎。 不。 可犯雖其勢服於中 **峯**而 岌然無 o PA 附意吁其。 可敬也。 夫其可以有所成。 也。 夫。

以上 種 種 大 槪 述 其 家 難 《幾於不 保 其 身蓋 有託 而 育 也 後 論 rþi 峯 及左 右 二米中 自

喻左右二 **秦驗軾轍也老泉之交似遜於東坡而名位尤不及頴濱父子相敬畏不期** 流

老翁井銘

· 酉歲余卜葬亡妻得武陽安鎭之山山之所從來甚高大壯偉其宋分而為兩股囘轉環抱。 有泉

坌然出於兩山之間而北附右股之下畜為大井可以日飲百餘家卜者曰吉是其葬費為神之居。 水之行常與山俱山止而泉冽則山之精氣勢力自遠而至者皆畜於此而不去是以可葬無

他日乃問泉旁之民皆曰是爲老翁井問其所以爲名之由曰往歲十年山空月明天地開霽則常

有老人蒼顏白髮偃息於泉上就之則隱而入於泉莫可見蓋其相傳以爲如此者久矣因爲 作亭

於其上又發石以餜水潦之暴而往往優游其間酌泉而飲之以庶幾得見所謂老翁者以知 其信

否然余又閔其老於荒榛巖石之間千歲而莫知 也今乃始遇我而後得傳於無窮遂爲銘曰。 山

東北翼為南西涓涓斯泉盆溢以瀾斂以為井可飲萬夫汲者告吾有叟於斯里無斯人將此關誰。 山空寂寥或隨而嬉更千萬年自絮自好誰其知之乃訖遇我惟我與爾將遂不泯無溢無竭以永

題 固 無甚關係文却有聲色動

吳道子畫五星贊

世帮善盡曹與張繇牆破紙爛兵火所燒至於有唐道子姓吳獨稱一時處張與曹歷歲數百其有

林氏選評名家文集

選

或鑱於碑以獲 不 磨吾世貧窶非有富豪堂堂五行道子所辜歲 星居削不 武不挑求之古人。

其有帝堯盛服佩劍其容昭昭熒惑惟南左弓右刀赫烈蘅怒木石焚焦度怛下土莫敢有縣崔崔

士: 星瘦而長腰四方遠遊去如飛飆倏忽萬里遠莫可招太白惟將宜其壯夫今惟婦。 人長甜黝飄。

莫高昔始得之爛其生綃及今百 抱 撫 四弦如聲嘈嘈辰星北方不麗不妖執筆與紙凝然不囂粧非个人唇傳黑齊唯是五星筆勢 年墨唇而消愈後愈遠知其若何吾茍不言是亦 不 遺。

寫 遊 中 諸 神狀態 雖不 自見 乃 栩 钢 欲 活

仲兄 字文 市 說

彻 公奉則是以聖人之所欲解散滌蕩者以自命也一讀易至渙之六四曰渙其奉元吉曰嗟夫奉者聖 人所欲渙 以泥 一天下 者 也。 蓋余 仲兄 名渙而

唯。 字 旣 而 日。 請以文甫易之如何且兄嘗見 夫水 之與 而可乎他日 風油然而行淵然而留淳洄 日以告兄! 百子可 汪洋滿而· 無 爲我易之洵曰 上浮

是水也。 而風質起之遙蓬然而發乎太空不終日而行乎四方遵乎其無形飄乎其往來旣往而 不

知 相 其迹之所存者是風也而水實形之今夫風水之相遭乎大澤之陂也紆餘委鮑蜿蜒淪漣安而 推怒而相凌舒而如雲蹙而如鱗疾而如馳徐而如徊揖讓旋辟相顧而不前其緊如縠其亂

霧紛紜鬱擾百里若一汨乎順流至乎滄海之濱滂薄洶涌號怒相軋交橫綢繆放乎空虛掉乎無。 橫 流 逆折潰旋傾 侧。 宛轉膠戾回者如輪縈者如帶直者如燧奔者如餘跳者如 然為投者如何

狀 ¥. 態。 而 風 水之 極 觀備 炎故曰 風行水上渙此 亦天下之至文也然而 此二物者 豈有 爲文而不

乎他 灭。 不期。 而。 相。遭。 而文生焉。 是其 為 文也。 非水之文也非風之文也二物者 非能。

文。刻 能。 不爲文也物 組 橚。 非不 之相使而文出於其間也放 文矣而 不 可與論 乎自然放夫天下之無營而文生之者唯水與 此天下之至文也今夫玉 非不溫。 然美 風而。 矣而 已背 不 得 以

爲

子之處於世不 鐭 不求有功不得已而 功成則天下以爲賢不求有言不得已而言出。 則天下以爲 者君 口鹤。

嗚呼 此不可與他人道之唯吾兄可也

惟 極意渲染處說得光怪陸離此卻不見工 如此 說與渙字文字之義始極澄徹 一夫說到 無意相求不期相遵而文生却未經

巡

翰 也天下之車莫不由 福 蓋軫皆有 職乎車而軾獨若無所為者雖然去軾則吾未見其為完: 轍。 而言車之功者轍不與焉雖然車仆馬斃而患亦不及轍是轍 車也。 献乎吾懼汝之不外 清善處乎

林氏選評名家文集

稱 原之間 也職乎吾知免矣。

東 坡之半生坎壤老泉似已知之且知轍之所遇不如若兄吾意老泉深於玄學或卜玄而

得 不然所 見一何 神 也

送石 昌 盲 使 北 引

放甚狎昌言舉進士日有名吾後渐長亦稍知讀書學句讀屬對學律未 昌言吳進 七時吾始 數歲未學也億與華兒戲先府君側昌言從旁取棗啖我家居相近又以 成而廢昌言聞 學。 親 戚

不言察其意甚恨後十餘年昌言及第第四人守官四方不相聞吾以壯大乃能咸 悔摧 折 復 學又

吾廢

數 年遊京師見昌言長安相與勞苦如平生歡出文十數首昌言甚喜稱善吾晚學無師。 鞭 日 爲文。

中甚 不屈 之虜庭。 自慙及聞昌言說乃頗 建大旅 從騎數百送車 自喜今十餘年又來京師而昌言官兩制乃爲天子出使萬里 一手乘出都開 門意氣慨然自思 為見時 見昌言先 府 君旁安 外 強 知 倬 其

至此。 富貴不足怪吾於昌言獨有威也丈夫生不為將得為使折衝口舌之間足矣往年彭任

公使還為我言既 迹尙心掉不自禁凡虜所以夸耀中國者多此類中國之人不測也敀成至於履懼。 出境宿驛亭聞 介馬數萬騎馳過劍槊相摩終夜有聲從者怛然失色及明 而失辭以 覛

為夷 《狄笑嗚呼何其不思之甚也昔者奉春君使冒頃壯士大馬皆匿不見是以有平城之役今之

·奴吾知其無能為也孟子曰說大人者藐之況於夷狄請以爲贈。。。。。。。。。

述家常話說得宛轉入昌言奉使絕域筆暇神閒毫不費力收處斥冒頓於無聊中自抒見

解實 則 傾全宋之力不能制契丹作此等文字亦不能不 ·強斧體 面 也

祭史達輔文

嗚呼 **查輔胡爲而然胡負於天誰不壽考而於彥輔獨嗇其年誰不富負使終賤寒誰無子孫詵詵**

我 現 筑 満 眼 近 満 眼 **螞蟻於天何傷獨愛一穩使殞其傳幨幨其帷其下惟誰有童未冠彥輔從子帶經** 而哭。

精照來 鹏 霧奇文怪論卓者無敵悚怛旁觀憶子大醉中夜過我狂歌叫謔予不喜酒正襟危坐終。 前。 天高 茫茫慟哭不聞誰知此寃輟哭長思念初結交康定實元子以氣豪縱橫放 夕無言。 肆。 华级

他 人 竊箴宜岩不合胡為甚軟嗟人何知吾與彥輔契心忘顏飛腾雲霄無有遠邇我後子先撥排

澗 谷無有險易我溺子援破窗孤燈冷灰凍席與子無眠旅遊王城飲食寤寐相恃以安慶曆丁亥。

告罷子將西轅慨然有懷吾親老矣廿旨未完往從南公奔走乞假遂至於虔子時亦來。

臨江緊馬解較愛弟子疑倉卒就獄舉家驚喧及秋八月子將北歸亦旣具舩有會晨至開視熬叶。

一林氏理評名家文集

大山前 大艱故鄉萬里泣血行役敢期生還中涂逢子握手相慰曰無自殘旅宿魂驚中夜起行長江 呼後應告我無恐相從入關歸來幾何子以病廢手足若聲我嘉子心壯若銳 石。 · 益 固 而 堅 。

颵 目大呼屈丸爲落聞者竦肩子凝之喪大臨嘔血傷心破肝我遊京師強起來餞相顧留連我還

自東二子喪母歸懷辛酸子病告革奔走往問醫云已難問以後事口不能語悲來塞咽過文墜裝。

爲子收拾以葺以稿我知不朽千載之後子名長存嗚呼 **彥輔天實喪之予哭癡門白髮班班疾病**

來加臥不能奔哭會此文命軾往复以慰斯魂尙饗。

每三句作一韻遞家常語語語逼與老泉固是有心肝人

祭任氏姊女

昔我 **曾祖。** 子孫滿門姊之先人實惟其孫不 幸而亡又不有嗣後世變祀。 其託在姊 祭於女家

数 飲。 城 不 永存後益以疎姊之未亡洵作族譜昆弟諸子可以指數念姊之先其後爲誰周。 旋 反覆。

不 見而悲悲其早喪宜姊壽考春秋嶌 獻終姊之老今姊永歸途及良人。 皆葬於原送哭酸辛姊之

孫悉愿良謹當有達者以塞此恨跪讀此文告以無饭鬼神有知尙克來鑒。 任氏非胞姊也其支派療者無人故言之痛楚

祭亡妻文

嗚呼與子相好相 期百年不知中道藥我而先我徂京師不遠當還 落 字有 嗟子之去曾不須臾子

去不返我懷永哀反覆求思意子復回人亦有言死生短長苟皆不欲爾避誰當我獨悲子生逢百去不返我懷永哀反覆求思意子復回人亦有言死生短長苟皆不欲爾避誰當我獨悲子生逢百

殃有子六人个誰在堂唯軾與轍僅存不亡咻呴撫靡旣冠旣昬教以學問畏其無聞晝夜孜孜孰。

知子勤提攜東去出門遲遲今往不捷後何以歸二子告我母氏勞苦今不汲汲柰後將悔大寒酷

熱倚爐在外亦旣薦名試於南宮文字煒煒歎舊摹公二子喜躍我知母心非官實好要以文稱我。

今西歸有以藉口故鄉千里期母壽考歸來卒堂哭不見人傷心故物威涕慇懃嗟予老矣四海**一**

身自子之逝內失良朋孤居終日有過誰箴昔予少年遊蕩不學子雖不言耿耿不樂我知子心憂。

我泯沒威歎折節以至今日嗚呼死矣不可再得安鎮之郷里名可龍隸武陽縣在州北東有嬌其

丘惟子之墳整爲二室期與子同骨肉歸土魂無不之我歸舊廬無不改移魂兮未泯不日來歸。

語藝情與

祭姪位文

肺 五 一年六月十四日叔洵以家饌酒果祭於亡姪之靈昔汝之生後余五年余雖汝叔父而幼與

林氏選評名家文集

七十四

汝同 戲 如兄弟然其後余日以長汝亦以壯大余適四方而汝留故國余旣歸止汝乃隨汝仲叔旅

居東都。 十有三歲而不還今余來東汝遂溘然至 死而不救此豈非天邪嗟夫數十 年之間。 與汝 出

嗟余伯兄其後之存者今日以往獨汝季弟與汝之二孺此所以使余增悲也汝歿之五日汝家將 | 参差不齊骨不如其幼之時方將與汝旅於此汝又一旦而歿人事之變何其反覆而 與 人 机違。

殯汝於京城之西郊魂如有知於此永別尚饗

雖不如韓愈之祭十二郎然亦有其獨到處

祭史親家祖母文

嗟人之生其久幾何百年之間逝者如麻反顧而思可泣以悲夫人之孫歸於子轍自初許嫁以及 。

今日晏天不吊鹂難荐結始自丁亥天崩地折先君歿世次及近歲子婦之母亦以奄棄願惟茶毒。

謂亦止此誰知於今乃或有甚室家不祥死而莫救及於夫人亦罹此咎子喪其妣婦喪祖母誰謂

人生而至於是嘆嗟傷心悲不能止。

於無可着雞處亦有情文

嚴修體書狀

林氏選評名宋文集

右洵 類見議者之說與敕齊大異何者前所授敕其意曰纂集故事而使後世無忘之耳非曰制爲典禮。。。 · 先奉敕稿禮書後聞臣寮上言以為祖宗所行不能無過差不經之事欲盡芟去無使存錄洵

而 使後世遊而行之也然則**洵等所稿者是史**暋之類也遇事而記之不擇善惡群其曲折。 而使後

世 得知。 而善惡自著者是史之體也若夫存其善者而去其不善則是制作之事而非職之所及也。

而 談 者以貴洵等不已過乎且又有所不可者今朝廷之禮雖爲詳備然大抵往往亦 有不 安之處。

非 一二事而已而欲有所去焉不識其所去者果何事也既欲去之則其勢不得不盡去盡 去 則 궲

觖 丽 不備。 荷獨去其 一而不去其二則適足以爲抵牾觚 斷。 不可齊一且議者之意。 不過欲 以

惡館 過以全臣子之義如是而已矣昔 孔子作春秋惟其惻 但 而不 忍言者而後有隱 **静** 一桓公薨。

子般卒沒而不審其實以爲是不可魯也至於成宋飢及齊狩躋僖公作丘甲用田賦丹桓宮楹。 桓宮桷若此之類皆皆而不諱其意以爲雖不善而尙可 **曹**也今先世之所行雖小有不善豬猾 刻 庾

春秋之所沓者甚遠而 悉使洵等隱諱而不書如此將使後世不知其淺深徒見當時之臣子至於

題館 而不 言以爲有所大不可言者則無乃欲益而反損歟公羊之說滅紀滅項皆所以爲賢者諱。

所謂 讀者非不實也實而迂曲其文耳然則其實猶不沒也其實猶不沒者非以彰其過也以

見其過之止於此心今無故乃取先世之事而沒之後世將不知而大疑之此大不便者也班固作

漢志凡漢之事悉载而無所擇今欲如之則先世之小有過差者不足以害其大明而可以使後世漢。 無疑之之意且使洵等為得其所職而不至於侵官者職具狀中提舉為政侍郎欲乞備錄別奏。

明允此議大得經意

千六

宗史蘇洵傳

縣消 文別戶益讀書遂通六經百家之說下筇頃刻數千 字明允眉州眉山人年二十七始發憤爲學歲餘舉進士又舉茂才異等皆不中悉焚當 育至和嘉淅川與其二子 临城皆 至京 師。 翰林 所為

欧陽修上共所著背二十二篇既出士大夫爭傳之一時學者競效蘇氏爲文章所答權

輪機策文多不可悉錄錄其心術遠慮二篇心術曰爲將之道當先治心太山別於前 而色不 變以 書衡

鹿贝 於左而目不瞬然後可以待敵凡兵上發不發雖利勿動夫惟義可以怒士士以發怒可與百

戰凡戰之道未戰養其財將戰餐其力旣戰餐其氣旣勝餐其心雖烽燧嚴斥堠使耕者無所煩忌。

所以養其別豐槁而優游之所以養其力小勝益属所以養其氣用人不盡其所爲所以養其心故

士常蓄其怒懷其欲而不盡怒不盡則有除勇欲不盡則有餘貪故雖幷天下而· 士不 派兵此 黃帝

所以 軗 ini 兵不殆也凡將欲智而嚴凡士欲恩智則不可測嚴則不可犯故士皆委己而 隐命。

夫安得不恐夫惟士恐 而後可與之皆死凡兵之動知敵之主知敵之將而後可以動於嶮鄧艾縋

兵於穴中。 非劉禪之庸則百萬之師可以坐轉彼固有所侮 而動 也故古之賢將能以兵替 敞。 **下**又

自答故 去 就 可 以決凡主將之道知理而後可以舉兵知勢而後可以加 兵知節而後可 以用

兵。知 然後有以支大利大息夫惟養技而自愛者無敵於天下故一忍可以支百勇一靜可以制百動兵 厠 不屈知勢則不沮知節則不窮見小利不動見小患不避小利小患不足以辱吾技也失

有長短敵我一也敢問吾之所長吾出而用之彼將不與吾校吾之所短吾蔽而置之彼將彊 與吾

角奈何日吾之所短吾抗而暴之使之疑而却吾之所長吾陰而養之使之狎而墮其。 中。此 用長

之術也。 兵者使之無所願有所恃無所 顧則知死之不足惜有所恃則 知不至於必敗尺鑑常猛虎。

裔呼 而 操擊徒手遇蜥蜴變色而却步人之情也知此 者可以將矣祖楊而按劍。 則 烏 を不 敢 逼記

冑衣 甲。 據兵而寢則童子 勢弓殺之矣故善用兵者以形固夫能以形固。 則力有餘 旨聖人

之道。 有經有權 有機是以有民有羣臣 而又有腹心之臣曰經者天下之民舉知之可也。 曰 權 者。 民

權。 不可得而 則 無以成天下之務無機則無 知 **奖 季**臣 知 之 可 也 。 曰機者雖羣臣亦不得而 以 濟萬世之功然皆非天下之民所宜 知之矣腹心之臣知之可也。 知而機者又 夫使 犂 臣 所 聖 不 人 無 得

閒。 翠臣不知 得 閉。 則 誰 奥議不職不濟然則所謂腹心之臣者不可一 日無 也。 後世見三 代 取 天下以

仁義而守之以醴 樂 也。 則 日聖人 無機夫取天下與守天下無機不能。 顧三代聖人之機不 岩後 世

之詐故後世不得見其有機也是以有腹心之臣禹有益湯有伊尹武王有太公望是三臣者聞天

越神將任曹參樊噲滕公灌嬰游說諸侯任酈生陸賈樅公至於奇機密謀羣臣所不與者惟留侯。 下之所不聞知羣臣之所不知禹與湯武倡其機於上而三臣者和之於下以成萬世之功下而至 沙武也無腹心之臣以不克何則無腹心之臣無機也有機而泄也夫無機與有機而泄者譬如虎沙武也無腹心之臣以不克何則無腹心之臣無機也有機而泄也夫無機與有機而泄者譬如虎 之心一也君子有機以成其善小人有機以成其惡有機也雖惡亦或濟無機也雖善亦不克是放之。 鄂侯二人唐太宗之臣多奇才而委之深任之密者亦不過曰房杜夫君子為善之心與小人 於桓文有管仲狐偃爲之謀主闔廬有伍員句踐有范蠡大夫種高祖之起也大將任韓信黥布釤 豹食人而不知設陷穽設陷穽而不知以物覆其上者也或曰機者創業之君所以濟耳守成之世。 腹心之臣不可以一日無也司馬氏魏之賊也有賈充之徒爲之腹心之臣以濟陳勝吳廣秦民之 背者高祖之末。 天下既定矣。而又以周勃遗孝惠孝文武帝之末天下既治矣而又以**復**光遺 其奚事機而安用夫腹心之臣嗚呼守成之世能遂熙然如太古之世矣乎未也吾未見機之可去 亭實蓋天下雖有泰山之勢而聖人常以累卵爲心故雖守成之世而腹心之臣不可去 **业且夫天下之變常伏於安田女所謂主少國危大臣未附當是之時而無腹心之臣可爲寒心哉。** 己以聽於冢宰彼冢宰者非腹心之臣天子安館舉天下之專委之三年不置疑於其間邪义 心傳曰百 孝昭 爲惡

之士必有密友以開心胸以濟緩急奈何天下而無腹心之臣乎近世之君晏然於上而使宰相眇 曰五載一巡狩彼無腹心之臣五載一出捐千里之畿而睢奥守邪今夫一家之中必有宗老一介。

然於下上下不接而其志不通矣臣視君如天之遼然而不可親而君亦如天之視人泊然無憂之

之心也是以社稷之憂彼不以爲憂君憂不辱君辱不死一人譽之則用之一人毀之則捨之宰相

避嫌讓且不暇何暇盡心以憂社稷數選數易視相府如傳會百官泛泛於下而天子惸惸於上一

旦有卒然之憂吾未見其不頗沛而殞越也聖人之任腹心之臣也尊之如父師愛之如兄弟執手

入臥內同起居寢食知無不言言無不盡百人譽之不加密百人毀之不加疎尊其僻厚其殿重其入臥內。

楹而後可與曦天下之機慮天下之變宰相韓琦見其勸善之奏於朝召試舍人院辭疾不至遂餘

憨膏省校醬郎會太常修纂建隆以來禮書乃以為鬍州文安縣主簿與陳州項城令姚關同修禮

曹爲太常因革禮一百卷舊成方奏未報卒賜其家嫌銀二百子軾辭所賜水贈官特贈光祿寺丞。

慰有司具形戴其喪歸蜀有文集二十卷諡法三卷

行餐館書印務商

慰 別

解集子荀

全六 六一 角元 份份

路家之脱姿的朱元定 校本糾其疏舛復旁朵 本附例略考雎於末並 長沙王猛吾光生 **扬**荀子著齊之微情 依楊倞注及 網機 免

%(1496)

分

發 刷 行 븸 鮃 行 處 泖 所 者 者 商 商上 商业 闔 黃州是 门门 孙南北 椭翻印必 粉河 務 點深 粉 粉 縣 U. M 問聯 间盤 FIJ 百香瓜 15 数版本 推都 15 期州史 :16 林 哲學 哲义 带

4

们市

们 紹 紹

前

紓

總

問

鮻

選

141 螩 民國十三年七月初 版

(林氏選評

游祐集一

册

郁

册 定

價

火

牂

加

色

(外埠的加迎費所收)

三七九九五十

